

夢

林

玄

解

夢林玄解卷之二

夢占

天象部二

風雲

雷雨

霞電

虹霓

霧露

〇〇風雲

忽起大風 大吉

占

申天之命。上行下承。在卦為巽。國有號令。主凡事。存掃蕩邪穢。吹噓惠澤之象。〇風者。養物成功。四時有八風。立春條風至。地煥。春分明庶風至。萬物產。立夏清明風至。物形。夏至景風至。棘造實。立秋涼風至。禾禾乾。秋分闔闔風至。生莠麥。立冬不周風至。蟄蟲匿。冬至廣莫風至。則萬物伏。所謂風者。萌也。萌于庶物之間也。循此推之。吉凶立見已。

天上有風

占 風有氣而無質。能畜而不能久。易為小畜。夢此者。諸事不能悠遠。○夢風聲如雷。主有驚。夢風有聲。關聲。主威震。詳其風。自何方來。以詳時事。

狂風驟雨

占 淫雨烈風。怒號傾注。主朝廷有威命。號令常。日 人夢之。諸事有阻。驚險沉迷。謀作顛連之狀。

風忽止

貞吉 否凶

占 此夢貴人兆之。謝印歸此。又人兆之。東書改業。平。日 人兆之。離市居鄉。凡號令停止。音信羈延。臨事宜。辭辭也。

風走砂石吹塵垢

占 風者。動象。走砂石。地不寧也。移徙則吉。○又。日 主有憂事。下害上。小害大。奸邪閉正之象。黃帝嘗夢大風吹塵垢。寤而解曰。風為號令。執政者也。垢去土。后在也。天下必有姓風名后者。乃往。

求之。果得風后干
海隅。登以爲相。

塞外風起 貞吉

占 行師防賊兵盜劫。商賈疑強人擄掠。親友生風。訟
日 事更端。尤玉邊方有警報。應在西北地。秋冬時。

風送雲開見三光

占 風捲雲去無踪也。光明亮運通也。夢此者當去
日 暗投明否去泰生。父母兄弟之間有喜事彩色。

風捲波浪涌

占 此夢事主更變之象也。風捲無定準。浪生有
日 波瀾。交易訟事婚姻百事洩防變遷反覆。

熱極涼風忽至

占 熱極者夏令將終。涼風至。秋報也。土人种選之兆。
日 求利者宜審人世炎涼相看。閨中定有遠信。病中
得解。憂者得散。

風披頭髮 吉

占 蘇風之微。糾業勤辛。應之以德。順天而行。為龍為聖。豪有勢乘。苟或自是。虞召災逃。

當風飲酒 吉

占 臨風飲酒。曠懷樂意也。人若夢此。解悶消憂。吉祥之兆也。文士臨試。夢之大利。

神人驅風 吉

占 此乃乘權。逆惡之兆。夢此者。必有忠良除奸佞。國泰及家寧也。

風伯

占 風伯主灑塵。夢此主憂疑釋。外侮消。更有貴人扶持。家政清睦。小人退避之兆。

風母

出九德縣似後

占 夢此。來日風起。亦主陰人暗損。小人窺伺。恐有訟事。無端而興。宜遠慮謹防之可也。

風送父母入雲端

占 風送不寧雲端仙兆也父母病中不宜夢此如父母已故者主二親冥中超昇成果現靈之應

仕女乘風上吉

占 此夢士人得之大吉官宦得之高陞平人得之則發達有期訟有理婚未成行人遠去疾病不祥凡事主有飛騰扶助之兆
日 衛士夢之飛昇有分

祭風

王譯夜夢披髮仗劍登壇祭風覺以語占者占者曰風乃上命祭者求之也披髮仗劍易服改裝必有佳應亡何果召
鎮洮河巡守重土

乘風身如飛

貞吉 否凶

占 夢此兆者馮虛御風輕身上騰之象必主病內損外熱否亦飄揚浮浪不佳也

大風中卧吉

占兆主安穩承平。○盛暑中夢此。乃乘風之令。應作
日事便易寒冷間夢此。乃侵侮之兆。宜潛修自保。

風吹人衣

占風飄飄而吹衣。意優游以忘懷。夢者。謝職歸
日田之象。○和風吉。烈風凶。憂疑時。憂疑解。

巾幘風吹落地

占此夢。士人主受儒冠。進袍服。貴人主
日解朝衣。歸田里。常人主有譙會飲食。

風送霞帔披身上大吉

占霞今被兮。披兮覆兮。不日騰驤。各譽彰矣。婦
日女夢之。主夫榮子貴。釋道夢之。主功成果證。

風吹屋動或宮門殿門閣門開

占夢屋動者。遷徙之象。行役之占。夢門開者。龍門高
躍。各揚萬里。虎塞生風。威傳四海之象也。凡事亨。

日遠太定
進取

風發竈火 大吉

占 家業隆殷科第聯登營謀作事遂意船懷病人有
虛險女入有喜臨行人立刻至尤利行業招商娼
日 妓迎客之家夢
此必發大財矣

風撼樓閣欲倒 凶

占 樓閣崔嵬忽欲傾搖知意氣實無情
日 人間應有移家兆更隄門丘少人撐
昔夏桀夢黑風破其宮殿為
成湯所放此類皆非吉祥也

風送舟車行 大吉

占 是夢也各成成就訟勝謀通○舟車得風送
日 而行乃舟車籍風力主作事有好人輔助

逆風掛帆

風翻榜文

占 此夢凶中藏吉。轉移之力。求名問利。先難後。日 易事有反覆。音信羈遲。行人阻隔。官訟宜和。

風飄經史入帝都 吉

占 文人夢此。題名金榜。病者夢此。錄籍幽冥。日 餘皆美兆。○謀事恐有翻覆難成之意。

風吹刀劍動

貞吉 否凶

占 文傳內府。譽著皇都。士人得第之象。○日 平人夢此。必有親戚故舊。得第高擢。

占 此夢有權有威。有勢有位。有科有聲。有光有焰。文臣高貴。武臣顯要。士人慶戰文場。常人爭鋒市肆。日 處變防有刺客劫盜之禍。如奸賊夢之。必有捕殺之凶。

風起金穴

占 金。屬商。主刑。穴。生風。刑獄事發。財將散也。○考試夢此。為神助進取之兆。

風送桂香 大吉

占 桂秋花貴徵也。送香捷信也。孕婦得貴子。閑女配貴夫。凡遇三秋之期。當有天緣奇合。意外佳音。

風吹雙荷花落一葉

占 此夢雙芙蓉落。風如其一。主夫婦離間。子女隔絕。荷象為連。落一不連之兆。凡事美中不美。遇而不遇。難得成雙也。

至正間徐美中妻性妒。有婢二人。一名青蓮。一名金蓮。美中夜忽夢此。意二婢必有為妻中傷者。適二婢並被遣逐。謂夢不驗矣。後妻懷嫉。座時一胞二女。其一生而不育。夢果驗。

風吹花謝 凶

占 花被風殘。傷陰象也。主妻女亡去。文人不遇。商賈不利。官訟不勝。凡百事無有結果之兆。如存葉姓者。則事成吉。

狂風吹折大樹 大凶

占 夢此者喪大臣亡妻子傷勇將損良僕卑幼
日 兆此殃家長頑若親行商虧本謀望有阻

風吹松響 吉

占 遇雲開錦綉松響奏笙等
日 耳聽好消息眼望捷旗

風發虎嘯 大吉

占 此兆虎嘯風生風從虎變文人得舉應在寅命生
日 人平人夢此定主上人命令寅年月日大有變兆
婦人夫 貴妻榮

風猛雁行散

占 風吹雁散主兄弟友生分離飄散之兆又
日 夫妻本是同羣鳥大限來時各自飛

風中蝶舞 凶

占 浪蝶乎林飛。在風乎披擊。夢此乎浮踪。
曰 飄飄乎寄跡。游無定準。寄食他鄉之兆。

風送鵬鳥飛騰 大吉

占 鵬飛九萬。斯蒙休之夢言。士人君子。
曰 主前程遠舉。常人商賈。主獲利他州。

彩雲生 吉

占 雲山川氣也。彩光明象也。卦為需。形為鳥。飲晏飛。
騰諸事悅懌也。家主子秀。國主年豐。夢祥雲主吉。
曰 夢黑雲主凶。祥雲散。各落黑。
雲散。禍消。變通占之可耳。

雲散亂

占 動作輕狂。虛游無實。凡事有初。弗克有。
曰 成之兆。經商者。防財物耗散。同夥異心。

祥雲四起

黃利四季。青春赤夏。白秋黑冬。應時者吉。倍時者
凶。祥雲吉利交易。雲四起。各四馳。夢此者。可謀財。

占

可望事。可求嗣。可聯絡。凡事。四面皆有喜氣。不謀。自至。機括現成。官訟未結。行人即回。士女有所懷。不期而合。軍兵有警。必嚴而治。

紅雲黃雲黑雲從地而起

占

紅黃彩色也。雲從地起。爵位陞遷。家業興隆。交易。順科。子嗣昌吉。黑者主陰。陰氣發於地。此地常瘟。疫。否則亦應王家一人。宜謹慎而防禳之。

雲遮星斗 凶

占

星移霧掩。斗轉雲遮。朦朧昏蔽之象也。夢之者。羣臣竊柄。婢僕專權。文名不進。諸事淹留。元順帝夢黑雲自西北來。衆星皆翳。不久京師遂有北敵之亂。百寮殘毀。蓋黑雲爲殺氣。來自西北。故爲北敵。衆星。百官之象也。

衝開雲路走 大吉

占 衝雲衢。開天戶。羣英莫敢爭先。凌霄翀漢之象。餘者夢此。皆為吉兆。

洞中綵雲

貞吉 否凶

占 別一洞天。雲行彩繞。各登金。位列瑤池。孕生貴子。婚配良人。羽流兆此。必仙家之侶也。

慶雲覆身 大吉

張鷟舉進士。起程中途宿懷州旅舍。夜夢慶雲覆其身。至期對策考功。居第一。

黑白雲繞身 凶

占 黑者。色玄主陰。白者。色素主刑。繞于身。非存凶喪之故。必主兵革之災。

呵氣化雲飛

占 氣吐虹霓萬丈。筆掃風雨千軍。文士名揚四海。謀利取兼金。凡事佳祥之兆也。女人主有酒食。

吞彩雲 大吉

占 五彩雲吞九重澤被騰驤富貴學問
聰明如張迥夢之而精雅道是也

神女行雲

占 夢此者主有美人求配貴女投胎之象也高唐
事何幻巫文在山陽不得行雲趣朝朝髮帶香

兒乘雲起 大吉

占 雲瑞氣乘之上達也夢此者子位台垣孫榮桂
日 富貴莫及兆應宋文丞相大父夢一兒乘紫雲

登雲 貞吉 否凶

占 步雲飛漢夢此者求名成龍求婚跨鳳求利騎
日 鶴凡事皆有向上之兆惟病人兆之未為佳美

剪衣成雲

占 此夢雲想承裳天孫為織之兆主懷思美女私約
日 私期如老病夢之雲為烟氣剪衣起烟大非吉

雲成壽字 吉

占 夢之者。介景福。緩爵壽年。日月福比山河。生子。以此名之。必非凡器。乃富貴福壽之徵也。

青雲生履上

占 足上生雲。雲色青青。文人際會。病隔紅塵。主商賈得利。有遠行事。驛馬星動。

雲捧日 大吉

占 捧者。拱也。兆主臣補袞闕。子舞班。女子夢之。孕懷奇貴。婚配英雄也。

祥雲滿室 大吉

占 祥烟萃于高堂。瑞氣霽于深闥。產賢孫于鳳穴。騰貴子于龍門。甚事豐亨。富貴福澤之兆。

紅雲起庭中 吉

占 雲之物。游無定也。紅之色。喜佳祥也。居宮遷位。在舍移家。大財將發。奇瑞當來。大吉。

升雲梯 大吉

占 此夢登雲梯步月殿騰龍起鳳之兆經商獲利戰
 爭得勝結姻連閣閣之門獄訟有扶持之力百工
 匠作主技藝精高夢
 登之直上者大吉

筆硯生雲

占 雲生書錦繡錦繡壓羣英。主文士文思
 泉湧筆花墨霧名世不朽學問日進之兆

乘雲至佛國

占 夢此兆者仙遊近矣素奉佛教者誠意所
 感當得樂界之分。○當了父母之香願

撥開雲霧見青天 大吉

占 撥雲開霧佳兆也。文人夢此名成平人訟勝
 曰 商賈利益病者立愈此為破暗求明之象也

拂雲見書文 大吉

占 舞袖翻雲拂雲展卷上達兆也雲映書文書
 曰 文明朗招賢象也主胸中渣滓去清虛來

玉中雲出

貞吉 否凶

占 兆主逢凶化吉。利貞。君子多識前言往行。以畜其德。美玉發光。結成祥雲。亦得君之應也。

雲飛化金錢

占 問卜之兆。此夢春夏則吉。有天降之福。意秋冬則凶。有天降之災意。

雲中牡丹盛開

占 牡丹屬陰。富貴花也。茂于雲中。產鸞鳳。為后妃也。結而易散。秀而不實。主有姚黃之客。貿利求名。

雲護魚蛇騰上天

貞吉 否凶

占 此夢文人兆之。龍登鰲占。若在常人。魚不得水。以雲護之。防子嗣有疾病喪亡之凶。不可不修。省慎也。

彩雲化鳳集左肩

徐孝穆母夢五色雲化爲鳳鳥集于左肩之上遂有娠生孝穆寶誌禪師見之曰此天上石麒麟也後官至太子太傅

雲成龍馬狀

占 成龍化馬兆主佳美遇辰運午年凡事當亨通上進也○十二分堊之雲態狀象物各異魯雲如馬南趙雲如龍若在韓北趙楚宋衛周秦魏鄭蜀夢之則大吉若魯南趙其分堊素定即夢亦平平

○○○雷雨

大雷 大吉

占 雷有聲名譽傳也在易爲震文明荒令震驚日修省之兆得此夢者主名利之客譽起業興

雷從地起 大吉

占 平地一聲萬物啓萌英雄遂懷狂怒警省當遷移應之○應試首擢文名冠世

雷收聲

貞吉 否凶

占 此夢收斂退藏之兆。凡事宜三思而後作。無咎。遷移交易婚姻營謀不利。文士聲名不起。

雷電風雨

貞吉 否凶

占 此夢可驚可危可修可省可遷可避可忍可止。日 須謹慎。方吉。貴人得之。或又見蛟龍。主大吉也。

雷起四方

大吉

占 雷主名起四方。馳四遠也。坐賈行商。交易易利。騰蛟起鳳。名譽蜚英。

雷聲喧震關塞外

占 威震邊關。行師大利。英才得志。此為名振華夷。聲聞四海之兆也。君相夢此。主邊疆有警。

江上聞雷

徐判官欲求為邑宰。夢行于江上。忽逢雷震。果授江浦令。蓋行江為江浦之應。

雷電光燭身

占 雷電火文明之象。光燭身榮寵之臨。祿位至矣。婦人夢之。夫榮子貴。婢僕夢之。家長顯達。

雷燒鬚髮去 大吉

占 此解慮除煩之意。功名大利。財源盛獲。出行遇貴人。疾病散。口舌消。出頭高結。馳驅蘇張。

雷擊頭碎 凶

占 警人修省之象。官不宜見。病者未痊。功名不利。為商遇盜。行人被阻。出行受欺。大不祥也。

仁宗時臨安吳祥赴試。夢此。解者曰。此大吉兆。但不得首占耳。及對策。以字誤。置第二名。果如商糾。夢大雷擊首。不思省畏。遂為武王懸首。太白之旂。乃見禍福無常。視德之善惡耳。

雷驚失飲食

占 青梅之會。先主給曹孟德。使之如在夢中。而自獲勝算。今夢合之。為口食失濟之兆。不為吉祥也。

懼雷掩耳

占 懼耳姓名傳掩耳姓名湮。○夢于春夏主作事遇怯夢于秋冬主外侮不侵。

雷震子 大吉

占 子受皇恩之兆。凡人夢之未得子者必產麒麟已得子者主登科第。平人夢之主聚富。

人與紙丸作雷響

占 此夢虛驚不實。凡事多訛而少成。反有驚恐。家宅不寧。交易不就。凡百行事。防有災傷。

雷震殿宇

貞吉 否凶

占 遷宮起宅大吉。殿宇動者見地。雷霆降者有田地。日動成田。墾闢田園富而益富。得產進業之兆也。

鬼驅雷電 凶

占 驅雷逐電皆為不祥。鬼隨雷去。日者鬼名不能遂志。凡事失意。

漢獻帝夢神鬼驅雷遂為曹操所害
乃臣弑君子弑父僕欺主之象慎之

雷火燒身上衣

占脫白掛綠之光功名遂志營謀吉病
人即愈官事大勝交易利酒甘食珍

雷起龍門 大吉

占此夢登科得子之象震入龍門身必貴雷起龍門
子必英女子夢之嫁貴夫產貴子士人夢之必主
名魁天下

雷神

豬首手足各兩指執一赤
蛇嘴之司號令之神也

謝仙

夫婦皆長三尺其色如玉掌行
火于世間○夢之者防有水殃

神告死雷斧

紹興間顧德厚妻張氏夢神告以當死雷斧之下
恐驚其姑立門外以待聞空中語曰上帝知汝孝
念已赦汝矣夢之吉惡
修德可保于此足占云

雷擊樓房被火焚 吉

占 改門闢戶離祖更業遷移宅舍之兆夢之
曰 者財利驟益事業興隆光前而耀後也

雷神繞室行 吉

占 此夢皇恩頒賜封妻陰子之象女子夢之配
曰 榮夫官事夢之得權力病者夢之遇醫扶

懼雷避棺中

占 文明迅烈趨之者吉避之者凶避
曰 而入棺君命居官當官兢凜之象

雷車轟轉至家

占 白門前神者車天公福發入萊居

此生須恨釋人識猶幸轟霆為我驅
建昌熊舜舉家貧苦志屢試不第一
日夢雷神至其家火光耀室後顯仕

雷打木折 凶

占 此夢主損口亡丁急宜釀解少者夢之喪父母老者夢之亡長子僧道夢之俗家凶貴人主失高位

卷冊作雷篆文 吉

占 金榜題名錦心換藻之兆功名早就出師大勝表奏丹岸大吉祥也讀書者慧益才高

聞雷讀易

占 有驚恐宜懺悔凡事自省種福無咎病人夢此丁愿祈神即愈商賈有驚宜備

雷開地見金寶

貞吉 否凶

占 此象主得意外之財行商坐賈必獲大利先師云金寶財利也雷震開地虛象也富者夢之慎慢

日

之戒

大珠內作雷響

占 珠內雷鳴異寶傳聲防子孫之殃口
日 腹之害主作事意外變動不成

雷電隨虹去 凶

占 雷有聲虹有形聲隨形去不吉之兆也功
日 名遺落病入膏肓商賈食本凡事不利

騎虎驅雷 吉

占 功名大貴經商獲利交易成病者速痊事
日 業更新百事遇寅年月日必主亨昌也

雷雨蛇奮起

占 穴中潜蛇忽達重空既變爻而化復烈烈
日 而轟轟榮顯臨祿位至病人夢者非為佳兆

被霹靂打 大吉

占 此夢得天之力。有德能當。惟正獲吉。否亦為殃。不可妄貪矣。君子得之。主貴人助力。

雨大如注 貞吉

占 雨為恩澤潤漉之司。夢雨霑身者。以雨之大小。權事之重輕。霑雨滂沱。陰盛陽孤。老者夢之。防損小。曰 少者夢之。恐喪高年。否亦遭遇鬱鬱也。

陰雨 貞吉 否凶

占 陰雨為憂疑。沉晦之象。夢此者。貴賤懷愁。曰 男女多悔。凡事宜小心謹慎。以求趨吉。

紅雨肉雨毛雨血雨

占 夢紅雨。主陰人有災。夢肉雨。主赤祥。夢雨毛。主有黨人之禍。或主明日得錢。如雨血。主有大禍。

雨聲如音樂 吉

占 未遇夢之。必聞捷報。未娶夢之。必得良姻。曰 官事夢之。必主全勝。商賈夢之。必獲大利。

久晴得大雨 吉

占 否極泰來之兆。功名大貴。行人未至。經營利交易通暢。行路遇相知。婚姻有良媒。

雨金雨粟 吉

占 聖人在位。有德者昌。此其治微。陰衰陽盛。而得金粟。此乃食祿萬鍾之兆。論財利。事事咸亨。應在此月初及庚年。

大雨井溢獻出錦衣 貞吉

占 此夢。錦衣故里。寵錫天恩。求名大貴。經商滿載。吉祥榮顯也。昔費絢應舉。夢錦衣于井中。獻出自喜曰。吾必第矣。遂成進士。榮歸。應衣錦還鄉井之兆。

細雨

占 凡事不成。官事少吉。病者不能痊。經營不遂。志行人不至。祿位不臨。口舌不明。出行不利。

半天晴半天雨 貞吉 否凶

占 此夢南順北逆東敗西成凡事半喜半憂之兆營謀作事當得去暗投明也

行路逢雨 吉

占 游魂所依客雲得雨凡人夢此口腹沾濡當得酒食宴樂逢雨而身不行者隔一日應

雨中登山 凶

占 人在山上此兆為凶雨中登山吉乎此乃陰陽不辨之象病者夢之西歸近矣

大雨池水溢 大吉

占 凡夢池井漲滿皆大吉之兆主大富貴經商十倍事事吉昌宅舍安寧財源大利

行雨 吉

占 借神之力倚人之勢陰中得助力親友相扶事皆吉祥

楚襄王游高唐幸神女神女曰妾巫山之女也朝為行雲暮為行雨明起視之果如言為立朝雲廟焉

在焉

大雨中朝君

占 臂無膚其行次且包無魚以杞包瓜含章有日 隕自天遇而不遇之兆或霖雨蒼生之應

雨中耕田 吉

占 此夢大有之象天相吉人不求自至論財大利功日 名貴人相扶病人遇仙醫出仕者當雷州之任

抱子雨中走隨父母行雨中 凶

占 抱子者喪女亡兒小口災殃不祥之兆也隨父母日 行必主老人幼口損折之事諸凡謹慎修省為上

雨中遇師雨中現鬼

占 得師受益最為吉昌又有雨露敷之功名必主大貴凡事必獲美利夢現鬼神為陰犯陽欺大不祥

日也。病人夢之。必難醫藥。功名被阻。見官受責。財源被盜。如見吉神得解。

大雨淋身

貞吉 否凶

沾思被澤之象。文人科第。官位遷陞。商賈獲利。訟者遇貴人作主。惟出行與疾病。非大吉。則大凶。當因人而論。

披髮雨中行 凶

占束髮者吉。披髮者凶。此夢陰私相擾。鬼神見咎之象。還愿無咎。○主作事舛錯。不利之象。

祈雨 吉

占太陽當空。萬物皆亨。此夢女子得之。婚姻成。男子夢之。守孤獨。病人夢之。不藥而愈。

祈晴

占陰已盛。陽欲開。商羊舞。祝融來。疾。日。雙。雙。莫。乘。衰。將。轉。禍。為。福。之。象。也。

迎婚逢雨 吉

占 此夢。乾坤將合。忽逢潤澤。夫婦必白頭相守。父子必絲舞承歡。兄弟必手足相扶。吉祥之兆也。

雨中廝打 否凶

占 此爭。恩奪寵之兆。官事不明。交易未定。病者宜。讓。主有失脫。是非之咎。謹之。

大雨中考試 吉

占 應試逢雨。不為亨利。夢中得之。乃吉。徵耳。功名大利。蛟龍得雲雨。春秋兩闈大利。

天雨忙奔欲尋躲

占 避難趨吉。未為不祥。求名須扶病人。投醫。婚姻託媒。出行擇伴。訟事和解。諸事皆吉。

雨中舞

占 此乃水裏狂游之象。雖樂帶憂。雖安藏險。日 主凡事得意中。須防失意。樂不可極矣。

受雨入口以手承雨

占 雨入口飢餒之兆。惟病者服藥則為天醫。賜澤其疾可痊也。夢手承雨露佳祥立至。

在雨中飲食

占 錦衣玉食。君恩賜宴之象在任必陞。官致仕必起。名。常人夢之亦皆吉利。

雨中戴帽

占 夢戴帽者為加冠遷位。大富貴也。若值求名之時又為不得出頭以沾恩潤之象。

王監書當遷邑宰忽得此夢。占者葉光遠解曰。戴帽而行于雨中。此恩澤未霑渥不得官也。後果應。

雨溼衣 凶

占 病禍臨身憂愁多悔。此夢訟事不宜興。爭鬭不宜勸。病人不宜問。交易不宜作保。

雨溼街道行脫履 吉

占 脫離潭澤出步而行仕宦夢此旦夕高遷之兆病者愈經營利凡在福患者皆得脫也

大雨破牆屋 凶

占 朕國亡家之兆○又曰士君子夢之主沾恩澤除舊更新之應

雨中庭水泛 大吉

占 此夢財利盈箱經商滿載萬事豐殷吉祥之兆也庭為井井中有泉泉為貨貨者財也

坐獄中見大雨 吉

占 此夢獄中夢之遇赦病中得之有良醫又獄禁錮之地值大雨不出之兆必待貴人力以應雨乃出

張傘遮雨

上雲雨下陰晴必有祿情佳偶事至婚姻必先通後娶之兆名利遇之則福降而人不受美中未美

雨中乘舟車 大吉

占 漢我斬輪重羅覆身甘霖垂澍名科咸亨泛
日 彼小艇載重帆輕零零四灑身世非真也

門外雨成波浪 吉

占 此夢禹門浪激之兆士人得第仕宦得官常
日 人得橫財婦人得孕無事不有吉祥來臨也

硯上雲起成雨下 吉

占 勺水起蛟之兆求名大貴交易有成婚
日 姻必就營謀遂志○考試大利謀望成

雨中使兵器 凶

占 此象英雄困頓文不能施武不能展名不能
日 揚功不能就也○洗兵欲韜兵也欲藏之光

赤雨 凶

占 赤地千里災荒不雨兵火離散之象行人
日 遇難作事遭阻也○夢此主有血光之災

雨晴 吉

占 虹銷雨霽彩散雲開之象。求各遇貴。問利。將亨。官
日 事主解憂。事主散家。道中興。凡事否。任泰來也。

雨打書籍 貞吉 否凶

占 此兆夢于應試前後最吉。交易夢之。券契不
日 成。○夢書籍溼透。是不便翻閱。應試不吉。

天雨落紙成文字 吉

占 雨者水也。水成文。為波也。落于紙上。
日 為伸紙揮毫也。主文思波瀾之夢。

雨珠 凶

占 夢此者。水旱流災。米粒如珠之象。天降珠寶。豈若
日 米粟。凡人夢之。不祥莫大焉。唯孕婦為多得貴子。
占 之占耳。○行兵夢之。不利。疾病夢之。
不吉。夢晴天雨珠吉。夢陰天雨珠凶。

雨水入宅化金銀

占 此為驟富驟貧之兆。諸事雖吉。不能悠遠。
日 交易反覆。宅舍遷移。亦憂中生喜之兆。

雨下庭中捕魚 吉

占 諸事遂吉。功名得貴。商賈得利。訟事得勝。
日 婚姻得偶。交易得就。出行得食。病人得愈。

雨中鶴舞雨中鷄鳴

占 此夢鶴舞為一品當朝之象。丹砂冠頂。得雨潤之。
日 更皆鮮美。晉纓蟒玉。富貴榮華。大吉。祥也。夢鷄鳴。
還愿。薦亡。忍耐。无咎。

雨中螢火 貞吉

占 虬羅星斗。隱隱熒熒。蔽野徹生。如蟻如雲。
日 空中露沛。乍滅乍明。派陽未絕。表處謀興。

天大風雨龍騰起 吉

占 飛龍在天。升見大人。功名顯貴。頭。
日 角崢嶸。衣錦還鄉。吉祥之兆也。

大雨騎馬折花 大吉

占 折杏攀花。題名金榜。金勒紫衣。燈燭輝煌。
日 此為登科佳配。狀元歸去。馬蹄輕疾之兆。

雨點變花

貞吉 否凶

占 此夢孕。婦夢之。必產貴女。男子夢之。必得美妾。披錦簪花之兆也。

雨中花鮮美花謝落

占 雨露沾恩。佳美之象。功名必有貴人扶。見官必獲全勝。此象女子夢之。必招賢婿。又為妃妾蒙恩之瑞。如夢謝落者。墜白英于墜桂。飄紫蒂于疎藤。

○○○霞電

明霞起 大吉

霞乃太陽升墜之餘光也。起者。朝升象也。名將起。官必陞。利獲倍。婚必成。訟得勝。病必起。孕生男。道術高。文章進。凡下主存高明。光彩之象。

落霞光散 凶

占 此光日暮無光。夢之者。晚景凄凉。桑榆飄落。作事不終。疾病不吉之兆。

彩霞光映身 貞吉

占 霞照身。寵臨名遂也。孕婦生賢子。處女配良夫。臣寮恩寵降。文士藻思多。無不亨吉。

吞霞

周致妻胡氏。夢明霞燦耀。吸而吞之。乃有妊。十三月。生女。字玉素。七歲。能通玄理。後修煉功成。白日

上昇。道號丹霞。

霞照衣裾 大吉

占 衣錦榮身之象。有大喜慶。生賢子。得良友。作事利謀。望有益貴人青睞之兆。

桃杏開花襯霞色

貞吉 否凶

占 映祥光而挑範觀瑞色以衣芳
曰 幹功名而得遂求婚媾以爲良

電光威閃

占 電無雷光有威虛驚之象電屬離離屬火火爲司
馬文武官妻之當掌兵權見于天河中當雨見于
曰 北斗付貴子陰圓陽而陽中
陰妻于春夏時爲得令尤吉

電落山中 吉

占 此乃憂煩解散之兆病人速愈官事緩口舌
曰 故若婦人夢之主墮胎或落洞中必生貴子

電光照人 吉

占 功名榮交易利作事好出行遇貴人病者得良醫
曰 官事勝宅舍寧行人至酒食豐孕生子事無不吉

捉筆作書放電光 大吉

占 氣吐虹霓筆掃烟雲文明之士鳳舞蛟騰捉筆作
書權在手作書放電光靈在筆手筆相應兆之吉

我在

〇〇〇虹霓

天邊虹起

貞吉
否凶

占 天垂異象起于邊方于戈動也夢此者家不寧國
不泰也虹霓者妖沴之氣亦天使之符邪則為戾

日 正則為祥也

絳虹

一名美人虹

占 專之者主荒餒之象○又恐有私淫之
禍女奪男權陰操陽柄室家久正所致

虹升天

李特妻羅氏夢兩虹自地升天一虹中斷繼曰吾
二兒若有先亡者其存者必大貴後長子盈卒少
子雄果王蜀土以此知為貴子之占

虹斷

貞吉
否凶

占 夢此兆者謀事阻隔壽命不長凡夢虹者
以紅赤為吉黑白為凶斷者大不祥也

吞虹霓

占 虹霓雲雨乃現夢中食之孕婦主產嗣強之
日 兒文人主伸英雄之氣壯士主生戰陣之威

赤緇起

大吉

孔子夢三槐門豐沛有赤緇起呼顏回子
夏往觀之後應至漢高祖起豐沛有天下

○○○霧露

黑霧迷身開復合

大凶

占 黑霧瘴厲也惡氣也易曰迷復凶也有災
日 青用行師必有大敗作事亦主阻隔難成

大霧中行

貞吉
否凶

占 霧中行。行雲之意。夢此者。凡事皆有。潤澤至如疾
病未痊。憂悶未散。訟事難明。失物不見。求望不明。

霧迷宮室
占 此夢霧迷宮室。乃烟繞屋宇之象。家門防有回祿。
之災也。急須設醮祈禳。保安轉禍為福。修省為上。

黃霧塞天 凶
占 霧塞者。天地不明。日月不現。夢之。名不成。利不就。
事隔絕也。貴人主邊疆有警。奸佞僭竊。諸事不祥。

手持布帛化大霧
占 朝非雲氣暮非烟。來亦無踪去亦然。
占 贏得妖氛九里布。却令掌握有威權。

露霧昏迷 否凶
占 此為蒙昧不明之兆。凡事
不祥。不宜進前。切須慎之。
曹操過雲夢澤中。晝臥。夢露霧昏迷。路徑不
辨。不能前進。遂為周瑜所欺。而有赤壁之敗。

露溼衣 吉

占 露者仁瑞之澤。濃露溼衣。吉祥之兆。行路逢酒。食婚姻佳偶。商賈得財。皇恩雨露。喜慶異常。

露滴花開 吉

占 逢恩遇澤之象。功名得際。官事得助。病者得醫。經商得利。交易得就。出行得食。怨女得夫。

行露草中

占 此夢飲食沾濡。男女歡合之兆。老人夢之。年不永。怨女夢之。節不堅。行露草中。脚下溼。頭上澍也。凡事以此推之。毛詩爲行多露其證。經商夢之。平平。

月明露下

占 此象不聞男子婦人夢之者。必有私情事。至如夢甘露。主沾恩澤。生賢子。家事殷茂。

吸露

貞吉 否凶

占 餐室受澤之象。陽虛陰盛。陽現陰消。文士胸懷虛曠。道人體骨清高。病者必逢良劑。下人必遇恩膏。

露中行走衣履溼

占 淹兮泥兮。行多露兮。露兮拂兮。衣欲溼兮。彼公子兮。懷佳人兮。彼腰委兮。曉君王兮。溼衣身不煖也。溼履足不輕也。行走露中。少舒展也。凡事不為暢遂。不宜速行。

霜露消

貞吉 否凶

占 此夢災殃消解之兆。疾病散。官訟和。婚姻不成。名利不遂。惟遇憂愁困悶之時。得此者。當主陰消陽長之。

滴露成珠

貞吉 否凶

占 陰結為陽。虛變為實。柔轉為剛。小人夢之。幻妄。君子夢之。吉昌。露潤萬物。成珠。萬事有成。

取露磨墨硯水溢

占 主文章進益。鑒理神明。天澤龍池相濟。
日 而麟隨佐之。夢此者。神明之妙所出也。

露垂巾帽 吉

占 首被恩施之象。病者夢之。防有孝服。臨身謀財求
貴。當有貴人提拔。自漸亨通。凡亨小吉。逆德為凶。
日 經商遠行。乘舟履險。防有不測之虞。

〇〇〇霜雪

霜露降下 大吉

占 露降霜敷。皇恩被澤。士人夢之。寵臨
日 禮至。常人夢之。貴助賢扶。佳祥兆也。

露結成霜霜成雪

占 露上霜。霜上雪。兆此者。喪上加喪。獄上加獄。君子
日 夢之。須忍小辱。捐小忿。凡事慎之于誠。不可以小
貽大禍也。

踏霜早行

占 履霜堅冰陰氣始凝起神乃吉健慎則亨霜以殺物早踏行亦遇事坎坎坷謀為艱難之兆

筆頭霜結不可解 凶

占 此象文人筆稟秋霜其餘兆此不可輕易作書慎之無咎作事不諧憂疑不釋之兆

雪珠大下

占 雪成珠六歸一為異花結果但堅而易消夢此象者望存小財至防存小憂來

雪飄 吉

占 兆主病除煩解訟息憂消若經商夢之不能聚財謀望夢之不得遂願

雪消 貞吉

占 無煩無惱是天仙現規來時陰氣潛日縱是膏肓有墜子朝看勿藥即安痊

大雪下 大凶

占此兆大不祥。夢之者。椿萱辭世。手足分張。夫妻喪偶。子嗣遭殃。切宜禳解。

山上雪堆

占積憂聚悶之象。商賈得之。艮為山。山色如銀。銀聚成堆。大獲財利也。父在堂。恐有憂服。

雪積關隘不得進 凶

占文人夢之。功名不遂。武士夢之。征戰難勝。諸事有阻。隔病者。不為殃。

唐韓愈進佛骨表。憲宗斥為潮州刺史。行過藍關。雪擁馬不得進。有雪擁藍關馬不前之詩。

有人雪中相訪 貞吉

占雪中三顧。乃起臥龍。此為君臣相遇。朋友相投。陰陽會合之象。

雪歸 吉

占 初九不出戶庭无咎六三不節若則嗟若
无咎九五甘節吉往有尚初卧終亨之兆

雪中舞

貞吉 否凶

占 戲舞斑衣之兆老者夢之必生孝子願孫少
日 者夢之必獲瞻父依母亦疾病脫體之象

行喪遇雪

占 兆主重喪大為不祥若貴人夢之行喪之反為赴
日 官遇雪之反為被澤必主遷權赴任占不一律也

人呼看雪 吉

占 天花瑞徵也呼名揚譽也賞心樂意禰祥之兆
日 也陽春白雪寡和之調呼看則屬和有人也

臥雪地 大凶

占 雪而在地是為陰地臥其中是為陰中之陰
日 夢此者文士虛名商人虛利家庭更有孝服
宋東京樊瑞章家屢萬嘗夢身臥雪地如是者屢
心竊異之以問所親有解者曰雪為飄揚無定之

物其花爲六出君其出遊蹤跡無定矣後果爲仇家証訟通竄他所其母喪于家其產盡廢

雪落身上大吉

占 夢此兆者文士披綵武士更袍經商獲利婚姻成偶交易暢利諸事皆成

雪人凶

占 聚陰成形形無其形游魂爲象象無其象明能勝之陽能克之凡屬陰柔之等切宜小心謹戒防有災殃

吞雪

占 寄心汲齒之兆夢此者功名商賈諸事枉費勤勞防有附非口舌六日內見

雪飄體上成珠絡吉

占 天降祥瑞之夢人若得之功名異路珠玉橫生凡事不謀自至病者雖遷身而無羈絆不爲凶也

雪成宮殿 凶

占 枯宮毀。豈為吉兆。夢此者。不宜遷徙。不宜興造。有親在堂。恐有制服之變。

玩雪 大吉

占 天花亂墜。何紛紛。幽人宴賞。誰為賓。錦上添花。將成地六。拈來詞句。兆瓊林。

庭中積雪 凶

占 兆主家有凶喪。孝服臨身之夢。宜禳解為吉。然積雪終消。雖在庭中。必不能久。占作事有始無終。

檐雪送人 吉

占 檐天花。負地力。麒麟。貢貴戚。慶賀之兆也。若夢人送至。大吉。雪花六出。為魁花。應魁名。

煮雪 凶

占 此為消憂化水之象。諸事皆空虛無實也。婚姻解官訟散。疾病除。是非明。謀財無望。作事無成。行業

日

消

燃雪燈

占 雪見火消無剩也。夢此者家道日祿經營失利諸事不祥莫能盡述。惟陰臨憂病之事又為佳祥。

雪裏行舟

占 雪裏行舟與陸地行舟何異凡事難成也。蓋雪本瑞物以之行舟不能寸進之兆。

大雪耕田

占 農家夢之當主以不豐熟收穫倍。常春耕耕時夢不吉秋成時夢有收。

弄雪化牛羊

貞吉 否凶

占 雪化牛羊成大品。文士夢之頭角峥嵘魁名天下。干丑未年月應兆居六六之數。

李熙夢掃雪成堆俄化羣羊覺而占之曰蘇子卿奉使匈奴嚙雪牧羊今夢似相合公當奉王命持

占

霜雪

三

夢占

節而還。明年爲上道。
祀蘇武廟。夢乃驗焉。

聚雪成玉石

占 吉夢也。文人主懷奇抱瑾。女子主孕鳳胎。龍。
日 玉石堅固之物。以雪聚成。恐亦虛貴不久。

賦雪詩 吉

占 賦雪才難。古今罕有絕調。夢中形之。此凝神所兆。
主文思進益。心如玉鑑。服似冰壺。清冰爽氣。非凡。
日 俗之。
夢也。

梅花化雪飛

占 梅化雪。凡作仙成。雪陣舞。昏玄天。香花發。
日 之象。梅暗香。雪呈瑞。此夢功名懷孕皆吉。

雪中現青蓮花 貞吉

占 兆主與佛爲緣。化生彼土。雪屬陰。夢。
日 花原屬空花。此夢必有空門之願者。

雪壓穀菜倒 凶

占 穀為食菜為羹人之本也。雪壓為歉。
日 穀寒菜凍。夢此者主存小。人僥弄也。

燕子飛雪中 貞吉 否凶

占 玄禽兮春鳥。舞雪兮飛高。孕婦必生貴子。
日 扶元必獲春魁。若父母有病。不宜兆此。

雪作勢見水上遊

占 鳧鵲性喜水。水結成雪。雪化為鳧鵲。以水。
日 濟水浮游無定。虛誕無寔。凡事謀望不真。

狗奔雪地 吉

占 此夢為陽驅陰土之象。以陽破陰。萬事光明。跡踐。
日 成機主有音信。喜慶之事至。夢在戌月日。當得酒。
樂也。

雪凍驢不行

占 此夢旅邸蕭條，經商少利，路上艱辛。不祥之兆。雪者，亂也。凍者，水也。水音兵也。驟者，獸也。獸音守也。急宜住守，凡事不宜妄動。

雪成蛾 吉

占 女子夢之，招賢夫。產秀女。男子夢此，納美妾。買良婢，借問廣寒曾有種。人間留得雪蛾名。

蟹噴泡作雪 吉

占 瑞吐虹霓之象。蟹者，解也。甲也。土人夢此，主解首擯花。黃甲驚濤之兆。

〇〇〇 冰雹

水結冰 吉

占 財源結聚之象。婚姻就，交易成。功各亨。諸事吉昌。水着點成冰。凡事須爭一點，不可忽也。

冰解

占 此夢大不祥功名未得昌榮謀無利益官事少伸
揚音信不到作人不至水消瓦解之兆也惟爭訟
曰 疾病者夢之又為
解散之象大吉

水擁成山

占 易成易敗乍辱乍榮山勢崔巍可觀而水山
曰 見日即消太陽一照羣陰自伏不可恃之象

立冰上與冰下人語

今狐策孝繁寐中夢立冰上與冰
下人語解曰想介事也冰泮婚式

冰上行走

貞吉
否凶

占 履霜冰且至況冰而可履乎求財無獲官事主凶
曰 病人難愈功名不進戰戰兢兢如履薄冰險溺不
也 祥也

硯水為水

占 硯水成水。揮毫閣筆。士人夢之。功名不
日 克大遂。若婚姻事必成。凡事小就而已。

簷水滴成水
占 此雖淹留濡滯之象。而交易有成。官
日 事和解。疾病夢之不吉。婚姻有成。

敲冰渡舟 吉

占 水解冰通之象。冰散為水。水生木。木為舟。
日 舟行水路。往無不利。凡事猛力向進為上。

卧冰上 否凶

占 此夢未為吉祥。陰消陽陷。訟事夢
日 之。防陷縲紲。病人夢之。恐歸泉壤。

吞冰

占 入口消路。此夢商賈徒自蝕風宿露。不能獲利。
日 謀事枉費勤勞。病者夢之。為解煩消熱之兆也。

渡河水忽合 吉

占 此兆婚姻夢之大吉宅舍安寧交游有成
出行得遇凡事多成必敗吉祥之夢也

弄水作鏡照人影

占 鏡中之物但見而不能取何況水鏡乎凡事
日 皆不寬若主試應試者夢之當有知人之遺

梅梢結冰成珠 吉

占 清香寒徹韻幽玉視我仙肌謾光燭
日 夜明毫采綴天心未造暮齡終景福

伐冰出魚 吉

占 王祥卧冰出魚救母今若夢之父母有病漸
日 愈婦人有孕主生孝子經商有意外之望

天雨冰塊亂打身 貞吉

占 此夢婚姻大吉凡事恐有陰人相阻陰
日 事相擾病者急保禳無咎訟者用貴人扶助方勝

雹落田禾 吉

夢中三角

卷之二

三

占 此為結實豐有之象。農家大利。餘者夢此。事皆存獲也。亦陰脅陽所致。禾稼受傷。夢之吉少。

雨雹 凶

占 此乃傷殘花柳之象。夢此者。宜親染患。蘭女被殃。諸事防有損傷。大宜修德轉移。

〇〇〇 烟火

烟雲四起 吉

占 烟氣生四方。名利馳四遠也。夢此者。功名顯。家業興。商滿載。訟獲勝。凡事興發通達之象。

烟迷山徑不得路 凶

占 此夢各譽不著。謀望不通。商賈不利。壽命不長。官訟不勝。音信不來。疾病不愈。淹留不進之象。

滿屋烟迷目

占 迷目不見也。滿屋不寧也。滿屋烟迷。咫尺不見。或奸邪掩閉。或火燭之虞。

口中氣出如烟 吉

占 口吐白雲，胸藏雲霧，文人大吉。平人，口舌消。
日 散，經云：邪氣客心，則夢見烟火，亦宜慎之。

承上烟起 吉

占 烟從衣起，名從身傳，財從身發，病從身。
日 生，君子有當體之榮，小人有切膚之患。

吞烟

占 否凶。主口和，發爭，色承小人吉。大人，否亨。包羞。
日 傾否，先王後喜，防有疾病臨身，火光之禍。

竈中烟大發 吉

占 此為家業興隆之兆，兆主衣食饒足，富貴吉祥。
日 也。又曰：烟雲繚繞，爵祿炎蒸，百事昌熾之應。

筆底烟氣騰雲上 大吉

占 英雄拔筆，烟雲生，矯矯絕跡，龍蛇騰。
日 驚眸閃眼，抵不匝一天長，肅離成羣。

出獵烟迷

貞吉 否凶

獵乃爭之象。烟迷被惑也。戰不利。各不成。謀不遂。婚不合。訟不勝。婦不孕。病者保祈薦度。僧道家墓此無妨。玉得佳徒。傳續燈火。

松頂放烟

吉

此象木火生生之象。松為木。烟藏火。木能生火。旺。栢之兆。主清修之客。獨享安寧之福。娶婦之身。不。染世俗之塵。官員夢之。沒明存家恩。榮祿被。

烟中鴉亂飛

貞吉 否凶

惡聲之鳥。亂飛烟中。災禍重重。口舌官非之象。兆應介子推白鴉繞烟之事。又為高隱馳譽也。

空中火大發

吉

火光大發。陽氣所乘。夢此者。威聲大振。家業大興。徑商獲利。官事大勝。諸事大吉。

占 此夢鬼有鬼氣神有神威文人必中魁選平人
日 家有虛耗病人當祀烙口鬼玉餘防虛驚陰事
身行火中 吉

占 火者陽屬開邪除穢也夢者主病
日 即瘵身即發各即成貴人扶也

火驅車輪轉如飛

占 兆主氣轉新運轉亨利轉殷位轉陞家
日 轉豐業轉興此為恩綸飛報之夢也

火裏鳥亂飛 大凶

占 此兆帝王夢之邊關亂士庶得之家庭變夫婦失
日 羣父子飄零紊亂災荒之象更防存火燭之災

取水澆火

占 水火既濟豫防之象事事謹慎戒懼
日 無咎心氣虛腎氣壯坎既升離宜降

火滅 凶

占 夢此者主家亡財散病入膏肓訟困縲縲不
日 祥莫六焉仕宦夢此當有見幾明哲之思矣

見臍中火光起

占 董卓謀逆臍燈市耀夢臍有火是為腹
日 有光明惟正則生貴子不德必遭奇禍

〇〇時令

賀年 吉

占 元旦令辰也夢此者不論往來主益壽延
日 年之兆元吉凡考試經商皆有年相慶

元宵賞燈 大吉

占 此夢上元之節觀燈之會登元之兆也文士大吉
日 餘者家業豐隆氣運亨通婚姻諧合骨肉團圓

清明祭掃祖塋 吉

占 祭祖宗之兆清明為良辰令節展思
日 一本得意者之為也夢此見前人有光

遊春遇雪

占 春遊樂事春雪易消。夢此者須防樂極悲生。主外
日 之 幸之服。又主遇水患。然亦易脫。謹謂河廣泳之游

觀龍舟

貞吉
否凶

占 此兆非有虛喜。必有虛驚。浮而不寔。陰而
日 不害。凡事皆宜。小心謹慎。應在水鄉午運。

大熱避暑入山 凶

占 暑氣炎令也。避之就寒氣也。貴人
日 兆此解紐歸山。若夏令夢之無妨。

穿針乞巧 吉

占 人間乞巧天上佳期。渡銀河入金穴也。夢
日 此者婚姻配偶。財貨豐盈。兆應七七之期。

中秋玩月 大吉

占 此夢文章秋捷家室重圓之兆文人功名
日 遂至文人孕秀女貴子也諸事吉祥如意

重九登高 吉

占 重九九重也登高高登也貴人夢此位佐九
日 重士人夢之名高天下經商厚望訟事全勝

登高雨阻

占 夢此兆者功名不能上達取利不能盡獲
日 訟事息解病人漸愈立朝宜功成身退

寒凍 吉

占 主災運將回否極泰來之兆寒為歲
日 之終凍為陽之伏惟經商疾病不吉

風雪中汗淋揮扇

占 風有令雪存光汗出不透扇以恩榮主上人
日 思命寵光不期而至謀不及謀望不虛望也

除夕換符

夢

一解

卷之二

三

占此兆。文人夢之。改門換閭。光前耀後。常人
得之。除遷居移舍。事事隆盛。氣運重新也。

夢林玄解卷之二

終

夢林玄解卷之三

夢占

地理部一

地土
城市

山水
橋路

巖石
田園

河江
墳墓

湖海

〇〇〇地土

地平曠 大吉

占

曰

地者陰土也。平曠廣大而深厚也。五方五色土居中央。至哉坤元。萬物資始。生生不息。其利無窮。夢此者富厚福澤通達安平大吉之占。

地者萬物之祖。元氣發生也。東至秦遠。西至邠。南至濮。銘北至祝栗。自混濛之氣重濁者位下成質。而地得以寧。燧人氏始仰觀斗極而定東西南北之方。大禹使太章步東極至西極。二億三萬三千五百里七十五步。使豎亥步北極至南極。二億三萬三千五百里七十五步。各山五千三百七十七

夢占

夢林三卷之三
出水之山入千里。受水者八千里。出銅之山四百六十七。出鐵之山三千六百九十。佛經有四大部洲之說。東南南天地之奧藏。其地寬柔而平。其土薄。其水淺。其生物滋。其財富。其人剽而不重。則食而餉生。其土儒脆而少剛。竿之則服。西北天地之動方雄尊而嚴。其土高。其水寒。其生物寡。其財磽。其人毅而近愚。食淡而輕生。其土沉厚而慧。蔬之不屈。察乎坤輿之理。明而且斷者。可與通。通接之故以占之矣。

賜茅土之地

占 吳孫堅母夢童女授茅土一莖。且云。天賜汝生子。當王于翼軫之地。後堅果與蜀魏鼎足三分。王于東吳。其

夢甚顯。

貞吉。

否凶。

地陷

夢陷南方无咎。東方休囚。西方不祥。北方沉頓。中央受困。諸事皆當隨其方位而定吉凶。○夢地高

占者主家事興。○夢地卑下者主基業落。○夢地下雲起黃赤者吉黑白色凶。○夢地傾側者主兵荒。○夢地高漸及天者下陵上之象。○夢地轉者主運通。○夢已轉地者主功成名立。○夢地腴主富。○夢地瘠主貧瘠。

地氣冲天

占氣有五。色紅黃逢良善。青黑遇強徒。白主刑。患赤主兵戈。若冷氣來冲不為佳兆。

地開裂 大凶

占此夢土崩之象。主公侯疾病。主常人家業衰替。人口不寧。兄弟分居。母妻有變。奸雄鼎踞。諸事不祥。

地高下不平

占不平履險也。夢此者主疾病訟不勝。姐曰不成利不獲。諸凡作事必艱難勞困也。

地動 吉

占 兆主遷居移業改舊圖新。女人有悔。常人當得酒食。經商生意發動。至坤方謀財。尤利。

京師吳越洛陽蜀川秦隴燕趙北戒南戒

占 夢在京師主財豐日愈。○夢在吳越主口食。○夢在洛陽主得美人名花。○夢在川蜀主疾病遇藥。○夢在秦隴主獲馬。○夢在燕趙主錦衣美色。○夢入北戒南戒之地者主四夷來王之占。

居地土中大吉

占 物生于土。人居土中。處生地也。夢主有土。生發長養如老病之人。兆此大不吉。

人以地來降

占 梁武帝夜夢中原牧守以地來降。曰。吾為人少夢。此夢甚佳。及侯景歸帝欣然納之。

掘地出土 貞吉 否凶

占 掘地人陰出土事動兆此者。被人辱侮與人口舌。易地轉土之象。病者須告土保禳。

地下入地

占 純坤之卦。卦用陰。陰夢者。恐有深入地府。一重一罪之災。急宜解。禳鎮壓也。

入地見天日 大吉

占 此事極復伸。陰極回陽之兆。地下存天。地天為泰。天上有日。天日高明。主貧而富。賤而貴。失而得。負而勝。婚姻解而合。牢獄入而出。

伏地聽雷

占 陽氣潛藏。陰欲通震。求統統喚東風。側聽耳根消息。忌到墓。地一聲驚。卧龍。

地凍吉

占 地凍者。天寒之兆。水結之形。夢主冬月男女成婚。大吉。土生金。金貴聚。商賈營謀。為財利。飲藏。凡事就緒也。

下地見鬼神

貞吉 否凶

占 地下冥府鬼神皆陰象夢此者西遊近矣諸事不祥若見鬼神而蒙釋放或許延壽算又為佳兆

地忽長桂花

大吉

占 佳者秋期香發文人夢之才名大吉女人夢之生貴子配貴夫夢在平時則應在秋月夢在秋月則應在其時經商財利興發病人疾愈

地下有蟻成陣

占 蟻乃虫之至微亦有尊卑統攝夢此者主敵國相侵

占 太祖夢蟻成陣醒甚疑召劉伯溫占之伯溫曰陛下當得天下此萬姓歸附之兆遂起兵平天下

卧地上

占 此夢安寧喜慶之光男子夢之得妻女人夢之孕子文士夢之及第常人夢之喜至病者夢之須保

曰 穢許忌象雖不祥而萬物上中生大存生意也

立地上與地下人語

占 兩陽隔陰下陰有陽上陽有陰陰陽相遠激曰而傳聲夢主坤方信至上下和同男女相得

地上交合 吉

占 陽之與陰之精於陽時今地之靈曰兆生子今開大業凡人夢今以事成

堂前地陷 凶

占 地者陰象陷者險形主母患而妻憂也凡功曰各經商遷移訟事婚娶交易諸事非為吉兆

掘地得金銀珠貝

占 平人土財名達志女人主得奇男異女曰也若竊有貪想者又為有感無實之費

地上行舟 凶

夢林玄解 卷之三 地上

三

夢占

占 舟必行於水中。而夢陸地行之。則為艱辛費力之兆。夢之者。運限未通。兼有疾病之憂。經營利居貨

日 不利行遠。

將文書埋地

占 埋者。滅也。夢此主棄文就武。改業更基之兆。若孕婦得之。裁交種。育貴人。訟者得之。地有文書官司

日 作土也。

開地坑 大凶

占 兆此者。大驚大險。大憂大害。大陷大禍。爭戰不利。泛舟不濟。訟被入陷。病被鬼纏。孕婦難產。母壽難

日 延百事。救歛警省。可保無咎。

埋兒入地 貞吉

占 埋兒得金。天感其孝。意外之福。永言有道。日 有子。應試當得利第吉。有子病。夢之內。

地生柳

占 柳之為物。易生易大。易死易枯。夢此者。主諸事。長。除消之象。家有少女。當有柳姓之子求婚。家有

日 長子恐有姻。花私約之事。

滿地瓜果

占 此乃結實。蔓衍之兆也。夢者名利殷。日 殷。子嗣森森。田園暢茂。婚姻通亨。

地上有穴見鼠入

占 子年月日。必主遷移宅舍。若。日 病者屬本命生辰。大為不祥。

開土

輕土多利。重土多遲。中土多聖。人各以類應。詳此為占也。

開土見棺屍

占 病者最不吉。訟者尤不祥。惟農圃得此。稍
日 黍豐熟。萊麥全收也。止見棺吉。若見屍凶。

人自土中起 吉

占 夢此為人生。中土得子。招丁之象。行師兆之。主有
日 土人來降。引導滅寇也。土乃五行之本。人惟萬物
之靈。起於其中。無不休美。

食土到地 大吉

占 此夢主福祿綿綿。無限有源之象。貴賤男
日 女老少得之者。無不福至祿增。亨昌大利。

夫妻同土中

占 寢則同室。死則同穴。豈為佳祥哉。
日 若病者夢之。須防不測。慎之慎之。

墓棺木入土 吉

占 此夢仕宦者。官居地官。營運者。隨地
日 得財。爭訟和解。疾病不祥。功名大吉。

土塊 大吉

占 土生金。利象也。人與塊得業也。夢此者。主創大業。獲大財。出行得酒食。

取土 吉

占 兆主不意之中。橫獲財利。謀望有成。遷移大吉。行路拾遺物。婚娶得妻財。

行上土堆 大凶

占 土堆。塚墓之形也。行于其上。非吉兆也。夢此者。主病不瘳。諸事不利也。

吞土

占 非穀非肉。莫辨莫定。咽之語塞。咀之舌耕。夢此者。宜謹。慎省畏。修德以配之耳。

劉敬宣夢在土而食。既寤喜曰。在者桓也。桓玄既吞。吾其復故土乎。果如其言。○又梁簡文帝為侯景所囚。夢吞土。後酒醒。為左右以土囊坐口。土乃崩。



人送土至以衣包土

占 要送土者。黑青色疾病至。黃赤色祿位臨。白者主死喪。若昏蒙不辨顏色。當有不明冤事至。要衣包

日 者。衣土社也。夢此兆者。商人利於市。文士有良朋。農家有飲宴之樂。病者當祈土神祭賽。

土傳頭上血

占 此夢黃來掩赤。陰氣成凝之兆。得土得衆。下人上作。占主大旺也。

高皇帝夢三人頭上有血。以土傳之。得土得衆之象也。應在衆中。頭上有血。以土傳之。得土得衆之象也。應在

三日後。常有報至。

宅中土漸高起大吉

占 土漸高。各位置。家業豐。交易貴。營謀利。貴人來。疾病除。諸事興。盛隆發。

入土中吉

占身入土安穩象也。夢此者身安國安。家安則
日安。事事安吉也。女子夢之。必逢吉士之誘。

攢土上宅 大吉

占貴人食祿千鍾。經商獲利無窮。村舍家園
日吹造僧尼。焚香皆通。主名高利。厚之兆。

運土石入家 大吉

占土乃厚重。為富之徵。石乃峻大。為
日貴之象。運入家庭。富貴逼人矣。

空中起土 貞吉

占夢此兆者。祿位高陞。喬遷新廈之占。萬物
日生于土。空中起土者。空手成立之兆也。

團土作彈丸 貞吉

占九泥封關。英雄偉志。孕婦得子。謀事望空。求之
日得遂。與人爭競。有小利。病人志入泥丸。慎之。

打土成鹿 大吉

占 此夢仕宦得之必祿享地卿
日 之兆庶人夢之無往不利

魚跳土上 凶

魚失水人失勢也。豈宜夢之。兆主各不成。利不就。營謀作事。切宜謹慎。

泥放寶光 大吉

占 此夢地有光榮之象。父人大貴。市人巨富。利
日 流證道。緇服開山。田家豐足。凡事詳有土色。

〇〇〇山水

山行 大吉

占 履高山。若高位。亨通尊貴之象也。在易為艮止而
日 不動。動極歸靜。夢此者。根大權。授大利。享大福。富
祥。貴佳。

山亦地屬。黃頭之微。人下名山。五千三百七十。名
地六萬四千一百十六甲。或出銅出鉄。出金出錫。出

寶天地所以均有無。通萬物者也。謂之地分。凡形於夢寐之中者。居高登達。後學以意測之。

須彌山

占 一名崑崙。一名陽紆。一名阿耨達。中鎮天心。能分四枝。為四世界。凡宇內山河大地。皆其派也。夢之音。主居天下之鎮。北非平等。

崆峒

占 為山之望。入夢乃財物虛花之占。崆為空。峒為同。曰 主營求不得。客伴不祥。惟修煉家兆之。主得道。

大小鐵圍

占 極樂大千世界之地。非曰 奉信空教者。兆此不祥。

遊五嶽人鳥蛾眉天下名山

占 凡夢登山巨鎮。俱高明顯達之象。宜以曰 方向時地。及查古先聖跡而推。茲不擬詳。

開山

占 夢此主得通達。禪家成佛作祖。如有祖先停柩在
家。又為殯葬之占。或夢山自開者。經云。各山五百
日 歲而一開。開則金玉之精涌焉。斯
為利益之祥。亨通進步之兆矣。

空山曠野

占 空曠乃利達之象。山野乃往來之途。
日 兆主遠人來至。凡事疏豁亨嘉也。

奔二山

占 此夢陷于四獄者遇赦。困于征戰者得
日 脫。病于床褥者逢醫。事有扶助大吉。
宋楊文廣征蠻被囚。夜夢奔二山。
術云。二山乃出字也。明日果脫。

上山捧日 吉

程昱勿夢上秦山。兩手捧日。後輔魏太祖。甚得倚
任。昱原名立。太祖知其夢。乃加日于上而名之。以

昱。○楊炎夢陟高山見日。舉左
右手以捧之。後登相位輔君焉。

山色雲籠

占 滕昧不明象也。夢此者。臨事必須謹慎。辭。日 徐待分明無咎。一曰山出雲。雲行則雨。施吉。

升山墜地升至半山

占 墜地者。主前吉後凶。升於山。登高也。落于地。墮下也。貴人夢之。降官失位。經商防財命。病者藥難痊。日 夢至半山而止者。凡事有初鮮終。

山上流泉

貞吉
否凶

占 山上有水。君子反身修德。利見大人。夢此
日 官高祿顯獲利身映。必有扶助事貴也。

鄧艾夢坐山上。見有流水。按易占之。山上有水曰
蹇。利西南。不利東北。往必克蜀。身不返矣。後果應
占。其

青山 大吉

占 少者夢之。青春佳。偶。才名遂吉。病者逐。
日 老還童。壽無涯矣。客旅夢之。思鄉所致。

山有赤氣起 吉

占 暑氣蒸人。五穀生。炎雲峻嶺突峻嶒。
日 神接心。磨遊旌指。君子占之事得亨。

土山壞山谷崩裂山忽變平地平地成山

占 夢土山壞者。防眉鼻有傷。家園廢敗。不宜泛舟江。
占 湖諸事不吉。○夢山崩者。墜也。裂者。開也。墮墜開。
日 離之象。○夢變平地。前功。
素。○夢地成山。勇往直前。

山上喚名

占 山頂相呼。寵臨祿至。刊獲婚成。英傑賢良。神。
日 交心契。山鳴谷應。身潛一室。各聞四達之兆。

上山恐懼

貞吉
否凶

占 靖共兩位受祿于天。貴人夢之。祿位至平。
日 人夢之。福壽增。惟婦人夢之。非為佳祥也。

山林中行 吉

占 此兆商賈大吉。餘皆獲利茂盛。祿祥之夢。高
日 處行似吉。以人配山。仙也。以人配水。休也。凶。

山上與人相見 吉

占 事相成。喜相逢。若與女子相期。至于良方相會。山
日 上有人為仙。求婚遇仙姬。求道遇仙翁。商賈仙舟
客。功名
仙桂籍。

登山欲墮人推上

占 屈而得升。
日 急中有救。

陳主夢騎馬上山欲墮。遇陳子高。推捧而升。
後與張彪戰敗。危急之時。果得子高救護云。

在山穴中 大吉

夢林玄解

卷之三

十

占 兆主文士位顯帝君常
曰 人居遷喬木大吉慶也。

高山上有深坑 凶

占 此夢為危為陷。若露若藏。不論富貴貧
賤男女老幼。僧俗凡兆之者。必大不祥。

范雲為齊明帝所知。因帝召次。曰青太宰語。臣
夢在一高山上。上有深坑。見文惠先墜。次武帝。次
文宣。望見明帝在御牀。脩王者羽儀。明
帝流涕曰。文宣此惠難負。遂厚昭賈。

山上拜古人廟

占 維山有神。維人有靈。神靈之交。係有所矜。
曰 審其誰氏。斯判妖禎。凡夢得焉。匪為惡徵。

負山有力

占 此兆任大位。握大權。食大祿。獲大
利。諸事亨通。暢利。威福赫奕也。

上山人扶手脚 大凶

占 人在山上爲凶。扶手扶脚爲
日 何徵兆。不病而西歸有期矣。

手拍山 大吉

占 掌有權。山有執。在位加官。平人遇貴。婦人主
日 得榮華福祿之子。僧人土住持興旺之基。

抱物上山

占 孕婦夢之大吉。論財利高山從下而
日 上。更抱物懷中。此先難後易之占。

遊山

占 玩青巒而快志。隱山居以避暑。把黃菊之秋苑。觀
日 白雪於冬嶺。雖云達士之樂。然亦春吉夏吝。秋勝

日 凶。

環山奔 吉

占 夢主國運中興。家業重整。婚事還成。訟者復
日 明。靜極而動。動極歸靜。一動一靜。天地之根。

遙見高山 吉

占 隱隱峰巒。鬼鬼睇眴。好事多成。圖謀風便。
日 主凡事成就。如雙親在堂。主多壽之兆。

掛絲山上

占 此兆病人
日 不宜夢之。

薛取夢張亮于山上掛絲。覺而告亮曰。
山上掛絲。乃幽字也。後果為幽州刺史。

卧山上

占 山中高士卧。林下美人來。達士主潛踪。隱跡之兆。
日 貴人休官罷職之占。平人夢之。主有意外奇緣。男
女之樂。不約而至也。

鑿山開路 吉

占 亨通進步之兆。夢此者。文人
日 上達。商賈運泰。諸事吉祥。

山中飲澗

占 山下有泉蒙。非我求童蒙。童蒙求我。再三賣賣則不告。于此飲之。學問進益。財利亨通。但不可大望。

登山頂飲食 吉

占 山頂絕高之地位。登之以飲食。其兆當共天位。治天職。食天祿。非官卑祿薄者比。百事皆吉昌。

山上掛冠

占 此夢居官主罷職。居商主歸家。乃安寧休息之象。

居住高山 大吉

占 夢此者。主益壽延年。加官獲利。文人異日當卓越人羣。樹立不小之兆。

見山開戶有宮殿

占 慈印禪師未行脚時。為人傭奴。夜倦卧草中。夢大山開戶。以身入之。仰見宮殿森嚴。金像欲動。駭汗

日 而寤。遂立誓焚修。爲開山祖師。

上山登塔

占 此夢高上登高。土人稱此連科及第。位居極品。若僧人夢此。圓教病人夢此。昇天也。

驅山

占 此象主遷居移舍。變產更業。病人尤不宜夢此。

秦始皇驅山岳。擬塞東溟。營役鬼移之。山勢欲動。有人叱鬼。以身扼崖石。使不得去。今崖上有肩披簪冠跡。以手摩拭。作古桂香云。祖龍木仙在。用力駕海欲驅山下石。神人倚任不與行。留得巖前隱仙跡。北此奇夢。更動異常。

山上穿井

占 山爲艮。穿井爲巽。艮地有巽。利西南。不利東北。婦宜解訟。宜和孕不育。行人卽至。惟依山而居者必

曰主財源
通達

山上對陣

占此為危險之象也。夢者若戰勝。英雄遂志。戰敗壯士落魄。和解訟息爭消。對陣有兵。十年成丘。山上有丘為岳。求婚必成也。

山穴中得大筆

占夢主壽。添永算。士進長才。應試大利。立券有益。閭闔之中。文迴蕙錦。溜黃之客。篆印璽機。

坐山上彈琴吉

占美哉巍巍乎。高山伯牙絕調。鍾子知音。主有知己之遇。文人有四遠馳聲。同方向道意。

山中捕魚

占山中獸之居。捕魚水之利。陸地垂竿。必不可得之。象夢者謀財無求。名遲。諸事不利。如捕得之。主有

日 曉家
酒食

上山讀書 吉

占 聲傳空谷。天恩頒赦。囚人出獄。
日 聲應高崗。天寵眷注。文人譽揚。

山化銅錫金銀寶物 凶

占 夢此者。業消財散。謀利
日 成虛。更防刑責。不吉也。

耕山 大吉

占 石田可耕。衣食豐盈。就此老農。詢之占夢。
日 厥夢維何。曰麥與禾。堪以療飢。神非形栖。

走馬上山 否凶

占 凡仕宦從險中。祿馬高擢。商賈從險
日 處獲利。贏餘。凡事先難後易之占。

張公夢走馬上山。占之曰。馬屬離。離
為火。火禍也。人上山。凶字也。果伏誅。

上山見羣牛 吉

占 上山陞位也。羣牛聚力也。士人夢此頭角崢嶸。女人夢之夫榮子貴。餘者夢此皆為吉兆。

山上斫木

占 伐木有聲不折乃吉。若無聲而即折大不宜也。父母妻妾子孫皆防有損。剋之兆。山為土。土生木。于生木之地為剋木之事。木命之人尤為凶危。

泰山崩 大凶

占 兆主至尊崩。至親喪。若身居高位者則應在本身。

峰巒挺秀

占 峰巒山之頂也。忽然挺出。接雲漢也。夢此者文人大貴。應舉必居羣英之首。

丘陵頓高起

占丘頓高陵忽起夷狄侵邊盜賊犯境也王侯卿相夢此音天下不寧士庶夢之宅舍不安

大水澄清大吉

占夢此者貧而富賤而貴氣運亨通諸事吉祥士人清明在躬志氣如神亦致之

凡水品山水上江次井水下廬山康王谷一錫慧山二蘄州蘭溪石下三峽州扇子峽下蝦蟆口四蘇州虎丘五廬州招賢寺下方橋潭六楊子江南七洪州西山瀑布八桐柏淮源九廬山龍池山頭十丹陽觀音寺十一大明寺井十二漢江金州中零十三歸州玉虛洞香溪十四商州武關西洛十五吳淞江十六天台西南千丈瀑布十七柳州同泉十八嚴陵灘十九雪水二十凡水有黃金處必清有明珠處必耀有子孫處必旺腐有蛟龍處必黑耕于此者可以憶所夢之境而推

飲水不止

占飲不止利無窮水為利飲為通利通達來從從商賈夢之宜資五路財帛有主有青龍招利之事

天下大水

夢兆某處。卽以其水名推之。○夢水開。主財散。○夢水赤。下陵上。○夢水黑濁。主陰私。○夢水噴。虛驚。○夢水涸。事窮。○夢入功德水。一清。二冷。三香。四柔。五甘。六淨。七不噎。八甜。病兆主心清業淨。○夢三昧水。主疾除。○夢慧眼水。主明目。

水流汪洋

占 兆主水洋河航。新婚喜慶之兆。財源來。名譽溢。憂事消。凶事去。壽命長也。

見流水有波聽流水有聲

占 夢流水。流者去也。主訟解爭消。疑釋病愈。吉昌之兆。凡事宜保。穰穰悔禍。祀丁願。須向東方吉。○夢水有波。屬者。兆利文人。主學有淵源。文波員活。聲各洋溢。財利生息。飲食宴樂。不爲各師。當爲高弟。○夢水流有聲。水流動貌。有聲音象也。爲官作吏。生賈行商。音書頻至之夢也。女子主有美孕消息。

弄璋之兆也。

水中見日月

貞吉 否凶

占 此夢功名水底月財源波底光諸事空
曰 虛無實之象惟婦人夢之主懷胎子女。

水面雲起風起 吉

占 波紋雲起文明之象士人文場得意文思波瀾
曰 飛騰之兆平人水窮雲起絕處逢生興發之祥。

水上虹升 吉

占 北蛟騰龍起之象文人夢之得貴女子夢之夫顯
曰 嬌居于秀無子亦有意外寵榮也平人夢之子必
起羣飭水者夢之應主此地
當建造橋梁有大功德也。

洪水

占 洪水大泉也夢此者財利充盈營謀快盛病
曰 者主虛訟者主驚家臨江海者防有水災至。

隋高祖夢洪水沒都。意惡之。遷都大興。有方士言李氏當為天子。勸帝盡誅海內姓李者。渾從子將作監敏。小名洪兒。帝疑其名。應儼嘗而告之。

溝渠水流 大吉

占 此兆溝渠之水。常流而不斷。日 者。夢主壽與山高。福同流水。

水長浸城郭

占 論何城郭。辨其吉凶。守城之官。遷城之日。辛。或兆此者。虞有不測之寇。驟臨城郭。

水有岸 吉

占 水有岸。舟有倚也。夢者主有倚傍。夾助吉祥。日 亨通之兆。水有岸為洲。當為沙洲之主也。

水邊見女子

占 水邊女子。為汝女。與子字為好。夢者事事日 佳美。吉昌之兆也。水邊相映。主好事多端。

鄧殷夢行水邊見一女子占之日
水邊女汝字也果遷汝陰太守

僧浴水中 吉

占 此夢除煩去垢之兆孟蘭浴佛男女
日 夢之當持齋受戒必有佛力扶持

落水鬼

占 人落水為鬼鬼落水
日 思人夢者宜細詳之

一庠生歲試夢神告之曰落不鬼初不解後案出
則前一各某者應幫補無何其人溺水死循例頂
各得廩竟至挨貢
獲選其兆甚異焉

水上立

貞吉
否凶

占 水者流動溺人之物豈堪久立主凡事虛浮危險
日 凶事將臨之兆女人夢之凌波虛步世外天姿富
有領國之譽

水上行走 大吉

占 水上行神相佑也。文人主有寵臨祿至。
曰 必獲奇貨。大財凡事貴人扶助之象也。

水中相毆鬪 大吉

占 濡兮沫兮亭洵湧兮傷兮殘兮罹骨肉兮為
曰 恩波兮寵光豈攘澤兮競良主奪寵爭恩也。

浴水中 大吉

占 浴者淨也。去舊垢更新運也。夢主文章上
曰 達利獲無窮諸事咸亨如經商遠行慎之。

溺水

占 沉溺水中其兆頗窮浮出者吉沒入者凶。行商不
曰 刊居賈為祥。火姓火名火生火運。凡夢得者皆有

相濟之兆。
豈不為良。

流水繞身

占

山水

占

占 遍身流動。禍患突臨。夢者爭訟入獄。病患入山。餘人夢此。主有膿血之災。舟子夢之。防有船覆船解。

日之變。

墮水中半身濕

占 沾濡恩。試入洋。公事纏身。商賈營利。防有失脫。慎之。

王尉長子邦城。次子應。入試習學。其師母夢二生墮水中。半身皆濕。以告師。師曰。水邊着半。洋字

也。二子並遊岸焉。

衣被水濕

貞吉 否凶

占 夢主妃逢君寵。妾得夫歡。僕家主眷。訟者被人干連。病者醫難速效。婦人主女求男。桑間之約。主有美人來依。不可負。思致有奇疾。沾身耳。

水中取菓食

占 此兆必得備來之物。意外之財。虛中
曰 有實。凡事謀望有成。女人夢之尤吉。

水中拾釵 貞吉

占 吉祥之光。未易之占。釵者貧人娶
曰 妻。荆釵裙布。水中拾者。諧魚人也。

水中浣衣帛 吉

占 浣垢重新。應主男續舊弦。女諧新儷。否亦納鮮美
曰 之佳人。訂風流之才。子。若商賈交易。夢之。不得長
財增利也。

家中大水 大吉

占 兆主兒女添增之夢。財利生。基業盛。官訟
曰 解散。疾病無傷。壬癸之日。主有喜客臨門。

大水驟至屋欲浮 貞吉

否凶

占 屋欲浮。產欲去。家欲移也。夢者王
曰 驟貧驟富。居處不常。遷徙則吉。

以門作舟泛水中 吉

占 家門飄蕩身得清波。夢此者棄祖離家孤身
曰 撐立赴業開基前阻後通先危後安之象。

水中流觴

占 王右軍集友蘭亭流觴曲水令人
曰 夢之主暮春之日有酒食宴會。

爭錢落水 凶

占 金主刑落水無形也。夢
曰 者刑消訟息安寧象也。

謝奉夢鄭猷與人爭錢落水而死。及覺即往
猷處奉未出言而猷先道其夢與奉無異。

水中得金銀 凶

占 虛利虛名無有實益之象。兆主交易不成。
曰 口舌之禍。惟捕魚之人。又當大獲財利也。

水洗古書

占 此夢文新學變之象。主詞章錦繡。名姓顯揚。龍門高躍。佳枝早香。常人主更改簿書。移換券契。僧道富習儒業。醫家必進岐黃。

坐水中作文詞 吉

占 詞源不竭。物豈池中。文人大利。閨中夢之。主女師訓。益秀質靈心。必成淑女之稱。

水中遇仙子

占 兆如龍宮遇龍種。士人夢此。遭主逢時。不名。日上達。少壯者病遇良醫。婚求佳配。老疾不祥。

水面驚鷺

占 絲絲織得。水紋紋針線。拈束大異常。素地素心留。日 素影帶頭。飄酒足堪藏。士夫妻白首。機杼空成。

走馬水上

貞吉 否凶

占 此夢火行水上。坎離得位。主有虛驚。而無實禍。有收儆而驟白。虎于水面者。夢符其事。

夢林東解

卷之三 山水

无

夢占

水流如燕尾 大凶

占 兆主夫妻分散父子分離親友分別臣叛奴逃大不祥之夢也

入水捕蛇 吉

占 水底源頭也捕蛇擒龍象也文人夢此登科及第平人夢此獲利拾財已年月日應兆也

水中大魚躍起

占 此為魚化飛升之象夢者鰲頭占仙桂高攀女人夢此必產麒麟之子也

蓮開池水清 吉

占 池面紅妝澄清映水夢者主配偶聯姻氣岸日運泰之兆僧道夢之白蓮之侶青蓮之客也

井水流溢 大凶

占 禍起弄中罹之者窮二縱二橫入面中央日有水湯湯地亦流殃一口上浮兩川下傷

平氏光妻子夢之。
遇族滅之禍。

滄水使者

大禹夢緇衣男子。自稱玄衣滄水使者。告以神書所在。遂得水。經而成治水之功。

溪流汨汨 大吉

占 漢水源源。通達之兆。文人夢此。功各立效。常人夢之。財利立到。閨中夢之。遠來音耗。病中夢之。壽增晷。主事
日 晷主事
事 遂懷也。

〇〇〇巖石

登巖上石 大吉

占 石巖巖位赫赫。夢此者。官上加官。利中得利。崇高富貴矣。而得享盤石之安。大吉之兆。

入丹巖碧嶂求仙

貞吉
否凶

夢林玄解

卷之三 巖石

手

夢占

占 仙風何處宅丹崖洞府飄飄落絳霞
寄語離塵烹煉客人人開得不凡花。

峰巖嶮峭

占 此夢氣運淹塞營謀不利諸事阻絕不通
曰 之兆也凡遠行經商防陸路山徑之險。

大石築地吉

占 家業安康壽源永固諸事佳祥無憂清
曰 泰之兆也經商營運本厚無虞次吉。

大石柱大吉

占 此夢父母享年子孫賢秀貴為棟梁
曰 富有巨萬現居官位者當朝元輔。

石人

占 夢在家者吉在野者凶又在家門為鎮在丘墓
曰 為樹表有虛名無實用作事有名無實之兆。

移大石入屋宅大吉

占 大石人家必有大貴人至舍也。營謀必獲大利。家業必增大財吉慶佳祥之兆也。

手弄小石 吉

占 小石瓊瑤也。夢此者多子多女多孫。

太和年間柳綰妻謝氏夢臨水邊見水中小石子拾取數枚心甚悅之。玩弄有感連生數子。後皆成名焉。

定柱礎

占 家宅安人口寧財祿穩基業成更主得撐持曰祖基貴子榮耀上世賢孫相繼不一之兆。

進砂石 大吉

占 砂裡有金石中有玉金玉兼進富而貴之。日象夢者男子有堅貞之侶女人有剛介之夫。

砂飛眯目

占 砂為碑石。昧目視不遠也。兆主神情不定。旬日之內。當有閑事。閑非來侵。甲乙日尤不宜。

〇〇〇河江

至黃河源黃河清 大吉

占 利有源頭。運逢其始。夢此者。交易成。商賈利求。婦孕子。訟得理。主有酒食之中。兼得財祿。詳見前大水澄清占。〇夢河清者。

聖人受命。王者革命之兆。河水源于崑崙。赤黃黑青。色以方異。在吐蕃西。有泉萬餘。實地方七八十里。沮洳不勝人跡。不可逼觀。惟登高嶺下視其實。歷歷如列星。然名曰火敦腦兒。火敦者。漢言星宿。腦兒者。海也。星宿海合流而東。匯為二澤。復合流。始名黃河。然猶清而可涉。又析為九渡。卽世言九曲。而彼地又有二折。云蓋星宿之源。在崑崙西北。東流環南。又抵東北。達山之三面。如玦焉。實非源于崑崙也。凡水皆宗大河。大江川莫大于江河。中川百三十有五。小川千二百五十。十有二水。泉三億三萬三千五百十九。還

荒者不與焉見於夢者明其源測其地與方名思過半矣。

龍門

地名

河神巨靈

人名

占夢此者皆大吉之兆

河水砂石吉

占此夢男主文章進益女主妊孕佳祥凡交易多金疾病逢醫為人師者當多得高足大吉。

開通河渠溝洫

占諸道開通流動氣運更新交暢營謀作事無蹉。日遂意寬懷除暢凡仕宦文人商賈進益無量。

入河飲水大吉

占泳河吸水逢凶化吉渴處得漿之象主有固貧濟急之遇火症立愈臨文添思凡百事皆有潤澤也。日水姓之人來求婚媾。

河中水涸 貞吉

占 河無水。魚不生。舟不行。夢此者。經商不利。諸事不祥。惟病者夢之速愈之兆也。

宋主有疾。夢河中無水。以為不祥。占者曰。河無水。乃可字。主君疾當瘳也。果愈。

過河水 吉

占 需有孚。光亨。貞吉。利涉大川。象曰。雲上天。需君。子以飲食宴樂。主親朋宴會。降舍酒食。于午日驗。

長江

占 順流者吉。逆浪者凶。夢之者。主即日有遠行。獲利。長江萬里。非指日可到。凡事遲延無咎。

江水瀰漫 大吉

占 家豐國泰。氣運亨新。出仕進取。有乘長風破。巨浪之意。經商身主財利盈滿。如意之兆。

江中石柱起 吉

江水如血

占 江中有岩中流砥柱夢此者當有台元之位。
曰 桴楫之力商賈得之舟行須小心謹慎無咎。

占 水性清白如血者變火色也。主有血
曰 光之災或火症發諸事不祥宜懷解。

波浪湧 凶

占 此為驚疑受困之象商賈爭訟乘舟
曰 駕馬皆有驚恐凡事宜謹慎無咎。

波濤洶湧舟如飛

貞吉 否凶

占 驚思飛揚之象。夢此者險而有助。
曰 無咎。主心氣虛腎氣旺肝氣乘也。

問渡

占 命運將通意外扶濟之兆。遇時訪道女子夢
曰 之當有丈夫遠信至有疾遇醫有訟官剖。

湖海

遊五湖

占 扁舟五湖。兆主富者傳家。貴者解組。娛清世外之意。功成身退。知止不辱。任意遨遊。天機自足。○夢遊鄱陽震澤者。主眼空心曠。

中雲起 吉

占 此夢水生雲霧。雲映波光。祥瑞之兆也。利外益利。喜中生喜。婦人夢之。主有閑氣。

湖中大戰

貞吉 否凶

占 湖者。胡也。戰者。占也。帝王夢之。主有夷狄侵邊。有損無益。平人夢之。胡為水之區。水為利之象。如戰而勝。必獲大利。女子見此。當得佳偶。

湖水冲天起

占 此夢文人得之。連登甲第。祿位高遷。平人驚恐。

燕陰陸士鰲赴舉忽夢渡湖湖水洶湧上激冲天遂甲多士為時名臣

海上坐盆

占齊後主高緯母夢于海上坐浴盆日入裙下遂有娠五月五日生後主于邸舍

海者昆虛遮那如來所實都報無障礙土也
邊涯罕窮頂底諸佛身雲半現其中大似莊嚴優游其處有大蓮花出其中口渤海曰法海曰清海曰潮海曰然海曰苦海四海之潮皆時長惟浙有明潮八月十八日為潮生日有海神有海王定在姑蘇東入海五六日程小島之前西面海水粘濁此水清無風而浪高數丈夜中望之水上紅光如日方百餘里夢中形現隨景而占意可測也

泛海張帆大吉

占張帆風順之象也夢主文士高飛一息千里經商大利事事遂心訟必勝戰必利惟疾病夢之不為兆佳

夢林玄解

卷之三

湖海

西

夢占

海水忽涸 凶

占 海水難竭。夢之者。當有奇異之災。不祥之事。惟好酒者夢之。當主戒飲。延年吉兆也。

海中日昇

占 海日高陞。平人文士。仕宦僧道。九流。天不平。地高升。橫財發祿。太陽起于太陰之兆也。

浴池照影見鱗角

占 成龍魚化之象。文人夢此。題名金榜。折桂蟾宮。貴人夢此。位登極品。如鄭解得之。而選鼎元之類。

〇〇〇 城市

登城 大吉

占 城者。堅厚峻固之地。居官吏。護兆民。積械利。拒兵火。人夢登之。上見下。內知外。主卸衆有權。乘時得勢之兆。〇夢登不夜城。在東萊。主辛勛。〇夢登夫人城。主兵戈。〇夢登江陵城。雲長公築。主克職功。

堯聽四岳之言。用鯀修水。臨曰。帝遭天災。厥黎不康。乃築城以衛。君造郭以守民。此城郭之始也。秦人築城。武周塞內以馬走。周旋之地。依以築城。乃不崩。

城上雲霞起 吉

占瑞氣來青廓。祥光霞紫墀。門閭生喜慶。郎邑躋熙。日。凡求功名謀財利。結婚姻。如生于息。皆吉兆也。

上廣陵城

荀伯玉夢上廣陵城南樓。有二青下小兒語曰。草中肅九五相。追述伯玉視城下人頭上。皆有草。時南齊蕭太嚬正在淮南。盜應蕭上有草頭焉。

雷電環城

貞吉 否凶

占此夢有雷有勢有聲有光有動有變。巡守夢之。防有驍騎猛將。猝然攻城。凡事當小心謹慎。不可忽也。

城毀凶

占 城郭傾毀。家寔變異之象。若夢此者。蕭牆禍起。門屏災至。不祥難述。

修築城垣吉

占 重修基宇。再整門牆之兆。夢此家業亨通。商賈獲利。遷移宅舍。改業更基也。

見大將守城

占 兆主他人得勢之夢。客入乃吉。見拒則凶。惟王者夢之。主有干城之助。餘夢此俱不為利。

城門開無數鬼出

貞吉 否凶

占 武臣夢之。主其地兵戎變起。不測。主有屠城之禍。文臣夢之。若遇應試之期。主其地名魁。

占 輩出。中遠多人。

城外軍至

占 兵寇至。城門閉。收歛同議之象也。夢此者。士不宜官。居不宜遷。商不宜市。訟不宜爭。修省祈禳可也。

城上哭

貞吉 否凶

占 此夢平人主遠行。女人主孤宿。訟者夢之。防坐謫戍之科。貴人夢此。主城垣失守。

身卧城樓

占 城樓不寧之所。宿其上者。勞辛象也。夢此兆非佳美。若貴人夢此。戈橫戟動。身被刀兵。

城上懸頭以手取 吉

占 頭者首也。取之大吉。文士夢此。必登魁首。戰士夢之。必錄首功。商賈夢之。交易必成。首獲大利。

登城飲酒 凶

占 城垣禦寇。豈高人雅士遊玩飲宴之地乎。曰 夢者主家業消散。若兵戈亂時。夢之乃吉。

遊城見宮殿樓臺 吉

占 升之高。環之轉。既壯麗。亦巍絢。遊其都。富。移。條。
日 莫安土之別縣。黃冠士成仙苑。青衿子登金館。

上城彈琴 吉

占 兆主高士知音。良朋盟。五七之數。五
日 七之期在戎服者。必有捷音。即至也。

城上拾玉帶三條 大吉

占 夢此士人位列三公。常人子嗣連登伯
日 子貴。仲子賢。李季秀。翩翩三。齊鳴。

郭元調無子。妻王氏夢與二妾隨夫登安慶城。拾
玉帶三束。一曰玉龍。一曰玉蛟。一曰玉螭。及覺言
之。夢皆合。解者曰。城為郭。玉為璋。必連得三子。
皆貴客也。妻與二妾果各生一子。後各顯名焉。

滿城旌旗軍器

占 兵臨將守之象。夢者主邊關。起。須謹守。豫
日 防向人夢此。勿入其城。平民主家宅久寧。

城外四面掘深溝

占 獄隱高深四方環護夢此征戰爭訟諸事
曰 不宜懈怠賈人不能遠出內外隔絕之占

城上有棺 吉

占 城者高阜也棺者官也任人主遷官高職
曰 平人主財利充盈疾病必愈大吉之占

城上金碧如寶石

占 此夢成金成玉財利環周平人夢之富足光彩貴
曰 人夢之官富寵要僧人夢之化城說法佛力扶持

城外有城

占 城外城邸也凡夢此兆諸事皆有就緒皆有
曰 防護主郭姓之人際遇會合成其美事也

入地下有城圍 凶

占 地下之城冥府鐵圍也但見而不入或入而得出
曰 猶可若夢入之病者西遊訟者幽囚大不祥也

城上種松柏楓檜

夢林玄解

卷之三 城市

三

夢占

占 松者成公。柏者成迫。楓者成風。檜者成會。各因其種。隨事詳之。老者夢此。佳城種樹。凶兆無疑。

鳳鳴城上 貞吉 否凶

占 兆主其地有聖賢出世。鳴非其地。生不逢時。耳。鳳鳴于城。文人聲聞四海。商賈財利四集。

騎馬環城走 吉

占 遊街。帝都之兆。文人夢此。掛名魁首。跨馬遊街。武士夢此。戈鳴戟動。走馬邊疆。

持兵器攻城門 貞吉 否凶

占 此夢攻破則得利。弗克則失意。其功名商賈爭訟征戰俱按此推之。吉凶可知矣。

大蛇繞城 吉

占 地蛟龍于棘闌。卧英雄于外閫。文士變化有徒。經商腰纏萬貫。病人不吉之兆。

龜出城

占兆主城中有高年之喪。命數已絕。解世而去。
日也。門有龜成闕。凡事當拈圖者。必主吉兆。

身鎮關隘

占身鎮關隘。當大任也。夢此兆者。主
日官高位顯。平人則主受人重托。

虎牢關

占穆天子射猿擒虎。當之東虞。是
日虎牢。秦以爲關。兆主兵戈起。

塞外草枯

占秦始皇帝築長城。土皆紫色。謂之紫塞。塞者。墜塞
日夷狄也。其占爲艸淒淒。沙漠漠。客羈旅。篋蕭索。凋
事不宜憂此。

入市交易 大吉

占市井。居商寓賈。送往迎來。入貨出貨。長利生
日財福地也。于中交易。獲利之夢。主家業富足。

市中烟火起 吉

占 此兆商賈夢之。生涯隆盛。利息盈箱。行牙夢之。主此地有巨商來至。接之必大有所獲矣。

市買海中 貞吉 否凶

占 海市奇觀。珍寶所聚。夢中市買。浮名虛利。文士夢之。主文思進益。

行關市中 吉

占 文人夢此。英雄羣聚。前遮後擁之。象。餘夢此者。皆為與隆暢利之占。

鬼市交易

占 此夢經營無利。伏托非人。交易欺誘。疾病。商賈快路事下。若不以交易無益。而往為教授。臨選夢與鬼交易。而得其為不祥。選既定。居首者死。在慈補之。奇應。

爭市廝毆 吉

占 商賈經營之兆。夢爭勝者。
曰 獲利大吉。不勝失利。非祥。

賀人開市肆

占 賀人開張市鋪。彼實我虛。不為佳。
曰 美。若人來賀已。受益增光之象也。

市街撒污

占 夢街市有污。污及于身。獲利大吉。
曰 若夢自撒之。失財散利。未為佳美。

市買牛羊肉 吉

占 丑未二支年月日時。望外之利。不得。
曰 而離或有酒食。或有口舌爭角事。

往市裡買冠袍求珠寶異物

占 買冠服者。兆主功名。加官賜服。若女子夢之。必有。
曰 金珠首飾羅綺衣裳。夫必榮。子必貴。僕從夢之。主。
家長顯達也。○夢求寶物。為皇都得重之占。市人。
大利。又人大貴。求利于利之數。凡事謀成望達。

市中易筆 大吉

占 此夢易人利穎。主文章進益。功名顯貴。女子夢之。曰 子嗣聰明。若以筆易物。科場落魄。不祥之兆也。

市中虎鬪 否凶

占 夢主虛驚無害。凡遇寅月日。寅生人夢者。諸事宜忍而謹慎。女子夢之。主兩家爭聘。二子爭雄。男子

曰 主有官訟。一閑非事至。

市中樓房高煥 吉

占 高煥。創造新麗也。夢者事業。曰 鮮美。光前耀後。富貴之占。

乘舟過市坊

占 故傳江壁。舊地過。眼前足底兩相說。謂同利。曰 占 內客。何如轉乾。深清波。夢主謀事不遂。

市買米穀歸入倉 吉

占 米積陳倉。豐餘充足。家業興隆。永壽安康之兆。

入市被犬咬頭 吉

占 此兆士人主科名魁首。賈人主獲利當頭。兆應疾日。大吉之夢也。常人主亡過宗親。見各祈禳。追薦妨無。

市合 大吉

占 市之合。夢之悅。貴之占。富之業。事之成。日 謀之決。告君子。非誑說。喜慶來。不終月。

過市中人紛碌 吉

占 酒食豐需之兆。女子夢之。主來日天雨。日 有客至家。供以酒食。財利亨通之兆也。

遊市飲酒 吉

占 遊街宴樂之象。夢此者。士人大利。市人夢之。主西日酉時求謀得利。村舍夢之。必有隣雞自至。故而

曰不求矣。

從市中出夫妻入市

占 夢出市者。棄文習武之象。文人出身。商賈業散。凡事則利不收。在大貴之人。兆應棄市喪身之刑。大為不吉。○夫妻入市者。一陰一陽。入利之鄉。平人夢此。主置買屋舍。貴者夢此。主陞官上任。婚姻必成。孕生奇秀。事事當得骨肉和合也。

以書籍易琴吉

占 文章遇合。知音見賞之夢也。二王相並。一木孤撐。貴人夢此。縱橫如意。解溫阜財。

○○○橋路

上橋吉

占 此夢平地登高。斷河得渡。諸事有濟。助接引之功。有憑虛伏曲之變。且橋名種種。亦難懸斷。按夢詳

曰 之上石木若
吉浮竹者凶。

駕橋升天

貞吉
否凶

占 駕接銀河之象。文人夢此。雲路天梯。病者
曰 夢此。仙航鬼步。商賈夢此。得良伴。有大利。

橋跨大河 大吉

占 平地成血。跨大河。擎天作柱。有恩波。
曰 權高萬姓。歌周渡。不川憂虞。福澤多。

橋上人接引 吉

占 此夢名成利取。病愈婚合。訟勝商利。主諸事
曰 有扶持救濟交亨之象。私期暗約。不謀而至。

人携自手上橋梁

占 兆主妻妾懷孕。有貴子。作棟梁。生秀女。成醫
曰 風富貴佳祥之夢也。兼有貴人提拔之兆。

渡過高橋

貞吉
否凶

夢林玄解

卷之三 橋路

三

夢占

占 久病過良醫之兆。若半渡

之間。或折斷。或身墜大凶。
淮慶楊驥久病不起。一夕夢有人引渡。過一高視。
覺而述之。占者曰。此得人濟渡。身過險地之祥也。
未幾竟瘳。殆如釋家接引渡橋之兆云。

橋上呼喚 吉

占 夢此兆。有憂疑不明之事者。得清理獄訟。貴人主
張。凡事接引有人。少年夢之。主有不嫌之合。佳期
日 樂就農家主明。口有招飲酒食。

造新橋 吉

占 橋成事濟也。夢之者。往來和
日 合。福德康寧。喜生祥降也。

橋上飲食

占 下虛上險。不得家食之兆。主家業飄零。浮踪浪跡。
日 也。若現居官位者。則為高登王路。曲賜天祿之兆。

橋下過 吉

占 夢此者。光彩明亮。河水順流。諸事大吉。若暗昧不明。水泥風波。不祥也。

脫履過橋欲動

占 夢此者。文士足下生雲。指日高升。遷舊日 移新。疾病退。喜事逢。平人主遠行之兆。

橋上有亭樓 否凶

占 虹形屋氣。虛浮無實之徵。夢者主交易不成。婚姻難就。豎造不久。家宅不寧。事事小心。謹慎無大咎。

橋上開肆 凶

占 酒肆之中。不論賢愚貴賤。有錢為客。夢此者。妻女懷私。口舌交至。勤苦勞辛之象。

乘車上橋馬飛走

占 橋者。駕空之物。車馬飛渡。閃忽消散之象也。若現有患難者。主事得急濟。飛身脫避。必扶上。有扶助

日 中得助。可屬吉。
占。午運為佳。

持鎗立橋 吉

占 此夢乘高有威。凡人得勢之兆。武士主戰勝。
日 論功。文人主應試報捷。平人百事有利大吉。

金銀造成橋

占 利之聚。濟之功。利濟多百事通。若當交易之時。恐
日 成虛利虛祿。若當婚姻之時。必獲美女。餘財不一
論。

走過獨木橋 吉

占 諸事宜收斂。退藏。無咎。交未年月日。危中得濟也。
日 習坎有孚。維心亨。行有尚。來之坎坎。險且枕。入于
坎窞。勿用。坎不
盈祗。既平無咎。

清水橋

一儒生夢人語曰。成不成。平不平。清水橋邊。乃見分明。不知所謂也。一日過一橋。上題曰。清水橋。適有老父至。生告之以夢。文曰。生今年得矣。成不成。成爲戊平不平。爲午。今年戊午。應此兆矣。遂中舉。

登橋折花 否凶

占 士人夢此。廣寒攀桂。登雲象也。然空地虛花。平人不宜夢也。大象多凶少吉。

竹橋 凶

占 此夢浮動不寧之兆。象日 應遷居無定。踪跡不常。

驅羊上橋 吉

占 此象主未運亨通。未年富貴。生日 于未年者。主有人扶助上進也。

群鵲聚成橋 大吉

占 鵲成橋。會銀河也。婚姻大吉。夢主仙娥配君子。仙郎獲麗姬也。蘭闥之中才子至。朱扉之外美人來。

曰

幽期密約必主遂心

橋成大蛇橫跨起 貞吉

占

騰蛟起陸跨海升天也象文人身貴女
人孕貴婚姻配貴平人事貴出行遇貴

橋被火燒

占

此夢主通行之地威權阻塞之兆橋濟渡處也火
聲焰物也火來尅木其下有木人不能行主遠行
未歸遠信不到也

吳人有爲某傭者每夜常夢見橋被火燒心甚異
之後三年早行出齊門至野地有盜棄賍取之以
歸竟至巨富後問其處乃火燒橋也

橋上生草

占

主凶年之象病危者之占慎之慎之橋生
草罕人行也當主行事不成中多阻隔

橋壞折 凶

占 兆主口舌相爭官訟相連。經商流落病者
日 遊仙信杳人逃女子夢之。主好事不成。

橋斷忽接

占 橋兩截不得渡斷復接。運轉通。凡百事奏
日 而再興敗而再成。隔而再通。絕而再續。

橋柱折毀 大凶

占 柱折則橋傾。往來絕矣。老者夢之損
日 子孫少者夢之喪父母。諸事不祥。

道路平闊 吉

占 路濶宜載市塗平利涉塵紛紛貿易子
日 兆此滿懷春。主營謀得志財利稱心。

路險隘

貞吉 否凶

占 險者陷也。隘者狹也。夢此險阻艱難之象。主來日
日 有虛驚閑氣憂事相侵。宜小心謹慎方得安寧耳。

占 有虛驚閑氣憂事相侵。宜小心謹慎方得安寧耳。

占 有虛驚閑氣憂事相侵。宜小心謹慎方得安寧耳。

占 有虛驚閑氣憂事相侵。宜小心謹慎方得安寧耳。

占 有虛驚閑氣憂事相侵。宜小心謹慎方得安寧耳。

路絕得通 大吉

占 兆主阻復通。失復得。負復勝。死復生。散復聚。
曰 往復來。商賈出行大利。囚獄之中。更為吉占。

路迷

六國時張敏與高惠為友。每相思不能得。敏
便干夢往尋。但行至半路。即迷而不知路矣。

大路裂陷 凶

占 此夢商人失財。利。士人喪功名。訟者陷牢圍。病者
曰 久床褥。男女夢之。婚姻不美。往來隔絕。主凶兆也。

人指路 吉

占 兆主大吉。凡事有薦引扶助。謀成
曰 利就亨通。遂志進前。達遠之象。

見路四通 大吉

占 兆名亨四馳。兆利亨四達。又人大吉。平人大利。若
曰 有可危之事。首意須走避。當得亨通。無阻隔也。

岐路難進

占 此夢主謀事不決營利
日 不明委疑不進之象

劉迅大賈也將往漢口貿易舟泊江干忽夢路岐
不能前進遂止舟不行是日晴明忽起風濤同行
蚤發者皆遭覆溺
兆貴靈悟如此

小路幽暗多轉曲 否凶

占 氣運不通事多險隔愈轉愈幽再謀再失
日 輾轉崎嶇萬事窒塞若忽然明亮者大吉

行路漸高亮 大吉

占 此兆文人夢之位漸高運漸通市人夢之業漸興
日 家漸隆謀成訟勝事事吉昌或忽低暗者不佳

路中得財 吉

占 夢此者主意外富貴文人當以遺才上進商人
有人棄我取之象女子夢之主無意之中孕生

曰

女。凡事通達大吉。

門墻路缺陷

占 牆缺者。有出入。路陷者。無往來。主諸事不成。之。富家夢之。主門戶衰。基業壞。

去路得四凶

占 運。不。各不通。病不愈。商不歸。大不吉也。

開路吉

占 夢此者。名揚利達。運泰謀成。凡事通達之象。路開為各足。兩家同富。兩人異途。老人夢之。防有喪殞行之。

灑掃道路

占 灑掃道路。傷辛勤。卑賤之象。得此夢者。執箕奉帚。驢前馬後。非佳兆也。若貴人夢之。為清除宇宙之占。

日 王事勤勞王道平
蕩。難以執一而占。

街道泥濕荆棘凶

占 路泥濕荆棘有羈絆防傾蹶作事不成遷居不
吉商客之家防有小人竊劫路途之上大宜小心
日 勿忽。

大道中來往大吉

占 踏大道履坦坦往來和合謀事暢達。
日 夢此元百大為亨昌吉利病人即愈。

遊行郊野吉

占 郊野稀人曠達之所遊行其間夢主
日 高人有疎酒之懷女大有尋春之樂。

郊外烽烟大起

占 奸雄竊起盜賊羣與之爭帝王夢之邊塞不寧土
日 庶夢之家宅不寧兵將夢之防有猝然之寇也。

出村沽酒

占 信步離家逐野光。遠帘高幃捲通衢。
日 濁醪沽得春無限。遍地風光萬籟香。

村中相毆罵

占 村中近隣舍也。毆罵相出力相出氣也。托主鄰里。
日 近鄰相扶相助。若素與鄰家有隙者。又主有口舌。
爭鬪三
日內應。

空野無人

占 凡事謀望落空。疾病難痊。
日 婚姻不成。遠行驛馬動。

坵墟掃去荆棘 吉

占 此夢遲道中與才學漸進。家業先衰後旺。文。
口 章主。後通在朝除奸去佞。在路剪盜蠲惡。
日 舟行見雨。岸漸起。
貞吉
否凶

占 此夢夾岍舟行。兆主兩鄰欺侮。岸漸高。舟愈下也。
日 夢者文章未達。病人未痊。牢獄未出。諸事慎之。

○○○田園

置田地 大吉

占 貴人夢此。祿位高陞。市人夢此。家業中興。
日 婦人夢此。子嗣翩翩。老人夢此。福壽綿綿。

種田寬大 大吉

占 此兆年豐國泰。人慶家寧。位遷祿厚。事業殷盛。亨通吉祥之夢也。

天神下種田地 吉

占 天種神栽。育貴秀。獲金珠。凡
日 事扶助興隆之象。夢此大吉。

奉元劉榮。陳中義士也。一夕夢身自耕田。既有天神金甲荷鋤。下與鋤種。後官至鎮軍。所事主帥。儼如神人。夢乃應焉。

海邊耕田

占 海邊田易淹難濟。平人夢此未為佳美。若
日 士人夢之有中秋潮信逐歲康禾之喜。

見人種田吉

占 人種田土生谷。谷者祿也。祿隨位授。文
日 人夢此主位祿來臨之兆。餘亦為祥。

自耕田吉

占 兆主出行之夢。經商有財帛。親友往來。主酒
日 食豐需平人夢此妻妾懷胎家業豐盛也。

田中大哭

占 于田號哭大舜之孝當有不明
日 之事急宜解禳符錄無咎也。

賣田

占 主家業廢棄之兆。田生五穀五穀養生。棄養生之
源。凡事不吉。如佃戶得此田夫人存父為去業改

曰圖之

占

繞田拍手大笑 大凶

占 拍手空手無存也。懷笑反為哭泣也。夢此者家業散亡。悲哀將至。大為不祥。

平地開田

占 此夢滋財有利之兆。白地開田。曰 夢之者主氣運亨通。家業益增。

耕田雨下 吉

占 雨下有田。雨田交動。相應有聲。主明午有震雷之警。謹慎無咎。貴人夢此。當有雷字州郡之行。宜

曰 推之。

山中農田耕稼

占 此夢不耕于土而耕于山。為處高豐頌之兆。曰 艮止生發之占。但農家夢之主歲旱歉收也。

田中枯骨 凶

占 荒蕪枯朽之象。主財不獲。利無收。時運不泰。大不祥也。夢者當隨其地處審而詳之。恐有遺骨暴骸。

曰 亡靈作祟。

田邊飲酒 貞吉 否凶

占 主酉日有雨。西方水至。歡呼大樂也。平人夢之。又為酉年月日有哭泣事。富人夢之。主溝渠閉塞。

田中大水至

占 此兆夢于春秋。凡事有不求自至。曰 吉祥亨達。若夢于夏冬。不為佳祥。

田旱

占 田旱。土無水也。夢者為仰望雲雨之兆。農家夢之。主來年穀麥豐登。帝王夢之。急宜恩膏下土。

張睢田間卧 凶

占 惟者羅象田間假地夢此者不宜征戰不
日 宜官訟不宜商不宜病不宜遷移動作也

田中鑿井 吉

占 此夢耕田而食鑿井而飲太子豐豫之兆井能生
日 水鑿於田間田得水而禾生凡事井田古制萬民
得養祥瑞
之夢也

行舟田中畔移走 否凶

占 田乃五穀之所產岸乃田之疆界也舟
日 行田地畔岸傾顛大水滔天之象也

掘田得金銀寶石 吉

占 掘者耕也寶石金銀結實豐盈象也夢
日 之者諸事獲利農家夢此其利異常
大德中一田父夫妻同夢在田間有彩光起因掘
得金寶藏之以歸覺而異之是年田禾大熟收穫
之後轉土力鋤耕然有聲侯夜掘之果得金銀十
缸上復有各記遂至大富子孫蕃貴夢乃驗云

田中園獵 凶

占 主天下兵荒之象。農夫夢此。更爲不宜。兆主禾麥無收。

耕田讀書 大吉

占 且耕且讀。珍本之象。必名利雙全。大富大貴也。

使喚工人種作田

占 此夢主家業興隆。財運亨茂。婦人夢之。主園地得利。得業無不利。美若被人喚自。已種作者。兆主遠行。

收田禾 吉

占 田禾主利也。收者獲而安也。夢此者。家業安寧。宅舍康寧之象。少年夢之。主有寡婦遣人議婚情諧也。緣合也。

驅牛犁田畝 吉

占 牛犁田者民財替人力也。牛為丑。丑為土。土為田。土動物生。人若夢此。運行丑年。丑運天相吉人。無

日 為而莊其
物咸亨

田中群鼠 凶

占 鼠乃耗糧食粟之物。田中豈宜群聚哉。此夢
日 主散財生禍。十年月日夢此。不宜置買田產。

見田間龍掛下

占 見龍在田利見大人。天下文明之象。
日 得此夢者身離泉石。牧民于天下也。

田中生草 吉

占 田生草苗字也。夢此者主禾苗秀實財利充盈。若
文士夢之則莠草所以亂苗。主學業荒蕪之兆。惡

日 宜猛
省

入菓園 吉

占 此夢食之不盡取之不禁種種結秀樹樹芬芳瑞
日 于懷胎利于閨閫積祥之兆平人夢之主得大財

上天遊園 貞吉

占 遊踪于上苑玩景于天關士人
日 夢此登龍門女子夢此配豪閥

山園菓木茂盛 吉

占 此夢妻妾娉婷子嗣翩翩園園歡慶之夢山居
日 之主其年菓實盛收利倍財豐兼有弄璋弄瓦之
兆諸事皆吉

園中遇鬼 凶

占 初六飛鳥以凶六二過其祖遇其妣不及其君遇
日 其臣無咎九三弗過防之從或戕之兆主出行不
占 利之

花園宴叙 否凶

占 昔東坡晉卿名流十六以文章議論博學好古皆雄豪絕俗之資雅集於西園卓然高致各動四夷

日 文人之夢之大利。

園中鞦韆

占 此夢女子得之配王侯之家豐足喜樂男子得之主高而防危虛而無實動而不靜險兆之占急宜

日 解 禳

遊園遇美女 吉

占 穿花踏翠相尋芳草然遇繁從麗妹仙天緣意日 外至夢此者主有分媒之姻契野合之奇逢也

祖士昌美風姿未娶常夢遊一佳園遇麗人于建丹欄畔雲雨極歡自言小字青奴幸無祖負泣別而覺祖遂神覓飄蕩浪遊不遇父母議婚就從及娶其妻言幼曾得妻異字青奴奇驗如此事與柳

夢梅絕
相類

園中遇男子贈物 吉

占 投桃贈玖。表情留意也。女子夢此。
曰 秦晉偶。伉儷諧。孕賢良。產俊傑。

遺釵鉗園中 大吉

占 此夢女子兆之。主失財利。獲姻緣。
曰 一憂一喜。意外吉祥。不可詳述。

占 昔田法章隱姓。為太史家。隔窬女奇貌。
曰 私遇後。為齊國后。焉今人夢此。貴徵也。

園內坐地抽百草

占 園花。園花。園花。英。花。英。何處。尋。鹿。他。一。着。翰。我。一。
口 葉。主。有。美。人。心。動。春。意。爭。先。才。十。一。人。風。流。行。樂。

口 妾。婢。就。寵。之。占。

園中亭榭新煥 吉

占 新者變換也。煥者光明燦爛也。士人夢之。改門闢戶。易舊更新。富貴象也。

園中讀書彈琴玩月歌舞吹彈 貞吉

占 琴書主學成文武得遇知音之夢。花園遊樂之地。平人得此。主遇鸞娘配鳳偶。于女留韶。○夢玩月。主秋月倍明玩之者。神近太陰之兆。文人得之。登科。女人得之。孕秀。○夢歌吹者。歌且舞。哭而踊。吹且彈。聲悲而弦絕也。園中象喪幕也。樂極生哀。夢者惟德可解。否則必有凶殃。

園中登假山峻巧

占 假山人力也。雖秀而不峻。雖巧而不久。夢者主目前小有所就。當無遠大之圖。

園池內乘船遊玩

占 此為房中走馬之象。浮而不定。樂而不暢。夢此者。宜記其事。當有後應也。

遊園垂柳束人衣

夢占

占 垂柳。柔之物。束者挽。留也。男子夢此。必有義火。
私通。戀戀不捨。女子夢此。主有意中之人。依依在
念之。
象。

園內黃鸝啼聲巧

占 此夢主黃衣語細。妻如妾婢。閨怨之象也。
日 內有怨女。外有曠夫。姻緣不偶。伉儷未諧。

園中橫生梧桐

吳王夫差夢前園橫生梧桐。太宰詔曰。衆府鼓鑿
也。公孫聖曰。梧桐心空。不爲用器。但爲扇。當與死
人同葬也。後如
公孫聖之占。

園中刺繡

占 女工之事。作于玩遊之地。夢者主心事
日 未遂。力倦神勞。幼女夢之。主針線情工。

入園門犬吠

占 吠犬嘯嘯驚阻奸邪之象。夢者主
有野鬼相侵。須祀祖解穰為吉。

園地瓜果滿 吉

占 菜者菜也。瓜者果也。美菓盈園。約
聘之兆也。男女夢之。迷遂良姻。

園池金魚跳起 吉

占 池中仙種。水面靈花。鮮妍文彩之
象。士人夢此。占鰲頭奪錦標也。

園牆頽蕪 凶

占 此夢荒蕪衰敗之兆。主家園傾廢。墻戶凋零。
曰 女人夢之。防小口災殃。急須書符解鎮。無咎。

園池中鶯鶯飛 吉

占 鶯鶯交頸。夢裡分飛。還在園中。不散夫妻。夢主男
女相思之情。神魂凝結。成兆。懽會不出。一月之中。

廣南吳信卿情士也。遊學黔中。落魄無倚。一日族
寓無聊。散步至一園中。見池水清潔。解衣濯足。解

見小樓有美女咲呼遂諸交頸。女云夜來夢池中有一男子化為鳥妾亦身化為鳥覺而思之此夢驚之兆也。佇立以盼忽睹君來豈非天緣故托身耳。

種圃 吉

占 有老父之事福壽之徵。主有蔬菜酒食旬日始應。

入林木中 凶

占 林中樹木雜亂爭戰之兆也。夢此者家國紛爭。

○○墳墓 棺柩見什物部

新塚 吉

占 陽之既陰之初鬼之始人之終。夢此主凡百憂虞之事皆得散去。

塚墓高大 吉

占 夢之者兆主家業豐隆。
子嗣昌賢大吉之占也。

陽休之夢行黃河北驛道從東向西道南有一塚極高大休之登塚頂見一銅柱跌為蓮花形休之從西北登一柱礎上以手扳其柱往遂右轉休之呪曰柱轉三匝吾至三公柱轉三匝而止既寤意塚者冢宰也後果然。

韋溫應兩經舉登第補校書郎歷官中外三十年召拜吏部侍郎忽瘍生于首謂子婿張復魯曰子任校書郎時夢二黃衣人齎符來追及遂將渡一人續至曰彼墳至大功須萬日遂不涉而寤計全萬日矣與公決矣明年遂卒。

塚上火起 貞吉

占 塚屬陰火屬陽陰中陽旺當有子孫發達之兆也夢者大吉

李元忠將仕夢手執火炬入其父墓中夜驚起其惡之旦告其受業師師占曰大吉此謂尤惡先人

墳墓

葬法

葬法之三

葬

終。致貴顯矣。
後果大顯。

塚中騰起雲氣 吉

占 瑞氣騰于佳城。祥雲覆于先宅。
曰 夢主產貴于賢孫。光耀前後也。

水泛塚 凶

占 此象先人不寧于九泉。祖業飄零之。
口 占。防有小人偷竊。仇家興訟。慎之。

高山造墓

占 鑿峻嶺以為坐。夢主法私之事。艱險。
曰 費力。文人主。耀祖榮宗。子孫貴顯。

塚中有金甲神

占 夢主陰宅有神靈守護。上帝。
曰 有子嗣來錫。須修德以當之。

墳塚甚多

符堅造慕容垂侍中王異諫不聽翼乃私遣壯士要路而擊之垂是夜夢行路窮顛見孔子墓傍坎有八覺而心惡之占者曰路窮道盡也不可行孔子召丘以八配之兵字也路有伏兵矣垂從別路進翼伏兵擒之

見墳中人起

占身遇文人之兆亦主出潛入見進取有成。家業再造若陰人起防有小人竊偷之禍。

祭掃坟墓吉

占此夢士人文章日進平人孝行宜修女子主丈夫遠歸凡事清吉。

卧塚中凶

占塚者幽居也身寢其內歸陰兆也若病人夢之解穰無咎。

掘塚見一人頭吉

占 武將功高。文臣貴顯。文家
首占。市物爭先。夢者大吉。

坟上坐飲食

占 此為子孫祭祖之象。病者夢之大凶。
又主骨肉間有口舌是非。訟事自息。

塚中得衣冠

貞吉
否凶

占 士人夢之。朝中之冢宰。餘皆富貴
之祥。疾病者夢之。恐往冥途矣。

塚有窓戶

占 夢此者。文士主心靈。平人主有
光明通達之象。病人當薦祖先。

塚門開

占 陰戶開張。諸事不祥。開而有棺。吉也。開而
無棺。凶也。主作事落空。功名無望之兆。

埋車騎入塚穴埋書籍入塚穴

占 車騎軒昂頭踏之興。埋之非吉。仕人夢之。主掛冠
回籍。○夢埋書籍者。我文植錦貴種也。文士夢之

曰 得第孕婦夢之。產貴子無疑。

高枕睡塚上

占 憂散清寧之象。夢此者。憂散煩除。
曰 安居無事。老病之人。又為不吉。

掘塚獲財寶古器

占 夢主繼先人之業。獲陰人之
曰 財享冥中之祐。遇意外之緣。

墳上掛劍吉

占 土山橫一劍。玉字也。夢者佩玉之
曰 兆也。女人夢之。主產大貴之子。

塚空穴

占 主官事來臨。身為仕宦者。主
失職。凡事虛弱。墳墓少結。

塚墓明亮

貞吉 否凶

占 明者吉。暗者凶。主陰事白。訟事。理功名顯達。百事通利之兆。

塚上樹生花樹枯折

占 夢生花者。主文人大貴。市人大利。孕婦育貴子。○夢枯折者。主喪大臣。亡長子。

塚上生蓮 大吉

占 及第連科之兆。常人夢此。利。益壽綿婦人夢此。連生子嗣。

墓中棺自出 吉

諸大綬。其兄夢至一所。見大墳一區。須臾墳裂。一硃紅棺露焉。衣冠佩玉者。自棺中出。揖其兄使入。其兄難之。忽大綬至。與冠裳者抗。以其背抵冠裳者之背。使復入之。訪其地。乃宋鼎甲山陰王佐之墓。後大綬由甲第官至大宗伯。始悟以背相抵。為前輩後輩之兆云。